

85  
中華短篇小說

風俗閒評

上冊

上海中華書局印行



上海图书馆藏书



A541 212 0022 6418B

# 風俗閒評上冊目錄

逾格之防衛

律師之訓子

可棄

肥瘦

盜馬

鐵螺旋審判

乞人

惡客

一嚏致死

風俗閒評 上冊 目錄



~~1567510~~

亞若媿

寶星

花匠頭之軼事

不許大聲

不掩

# 風俗閒評

上冊

## 逾格之防衛

有一人名思木。勞復本一測繪家。方爲人測量田畝。因從岱德魯洛車站下車。去所往處約有三四十咪之遙。如雇得快車。御者又不嗜飲地。可縮爲三十咪。儻御者爲笨伯。馬亦瘦弱。須多延時刻。如行五十咪遠。思木勞復初經此道。問於站長曰。此間何處可覓馬車站。長曰。此間無通郵棧車。一咪以內。犬且不可得。安得有馬。汝究擬何往。思木勞復曰。吾將往地克穆。中有句多。楚上將之田莊。站長聞之。恍然曰。唯唯。若此。汝且往此站後村。或有農人載車。以謀利。思木勞復無他法。可設。只得往尋奔走。既勞。頗費唇舌。始物色得之。農人體幹極偉。著一灰色布袍。足穿芒屨。破車羸馬。思木勞復升車。問曰。此車何式。吾不知。軒輕之前後。農人曰。馬尾在前。轅君所坐處爲後軸。再相其馬齒。穉而瘦。車帷不

蔽風雨。農人一揚鞭。馬首舉矣。再揚鞭。馬足動矣。三鞭。車輪活。四鞭。轆轤有聲矣。思木勞復見其行如跛。驚心急如焚。問曰：「長途均如此。徐行不識何時得到。」農人曰：「不論如何揚鞭。卽到吾馬年輕。初行似緩。愈行愈速。乃至如飛。說罷。引鞭曰：「速行。當就道時。已是黃昏。此行向左曠野。無人。深秋天氣。日落僅露一綫。引首前路。乃爲農人之背影。所蔽。右望間有土邱。或大樹。或草垛。疏疏落落。雖無風雨。料峭生寒。令人毛戴。因以手自提其衣領。私念一片荒涼。四無居民。賊盜若據爲淵藪。殺人越貨。誰復相聞。恐鳴礮亦不能達。又念御人不可引爲心腹。相其臂膊寬大。必非善類。眉目口鼻似一野獸。儻與之格鬪。自顧如一孺子。彼一指亦足以傷我。因與之周旋。曰：「吾友。汝何姓名。」農人曰：「吾爲喀立穆。」曰：「喀立穆。汝熟於道路。此間無人。苦行旅乎。」喀立穆曰：「無之。恃上帝垂護。行人誰肯來。此間行劫者。思木勞復曰：「汝言良是。卽使有之。亦不足懼。吾攜手槍三枝。汝

知人有三首六臂亦不敢與手槍爲戲吾一槍足以披靡十人彈子滿中連珠  
而出且行且說天已昏黑路忽不平車軸經過頗似轉折是必南轅北轍改道  
而行不問而知必且向林木深處設法以圖我因曰喀立穆汝言無險吾聞之  
滋不悅吾生平喜與盜搏汝視我身矮面有病容不知吾力能格牛鬪如有盜  
三人并上汝知我何以處之吾振臂一揮當之者萬無活理吾於三人死其一  
繫其二送至西伯里亞充當苦役吾殊不自解我之神力從何得來卽如汝之  
壯碩可謂之魁梧吾能活剝汝皮而寢之喀立穆回頭視之向馬猛下一鞭思  
木勞復又曰吾友可憐盜落吾手不獨折臂折肱斷脛斷足吾仍以之交司法  
衙門推事檢事皆奉吾命唯謹吾爲帝前之大臣職居清要此雖微行政府必  
暗中護送國中法網旣密而偵探之耳目尤靈凡吾行蹤所屆莫不如見如聞  
吾猜此林深菁密之中必已有警探藏伏喀立穆莫明其故執御如前思木勞

復乃大聲喝曰止止汝將何往吾不能聽汝載入險路農人曰汝不見前路乎方將入林思木勞復駭然不知所可私念此人獐惡必已窺破吾隱知吾力不能搏雞吾不可以示怯本來緩行何以忽然急馳因曰喀立穆汝何以力驅此馬狀甚匆迫喀立穆曰吾並未加鞭吾馬自願急行彼本有駿骨吾不能强行羈勒天生四足旣展遂不肯自休思木勞復斥之曰汝毋揜飾速禁馬勿馳汝聞吾語乎喀立穆曰緩行何意思思木勞復曰因在車站時約有四人同發我因覓車囑於中途相見於林計其時當至此四人孔武有力皆帶有手槍吾得彼等同行始可應手汝何以時時回顧如坐鍼氈吾身並無值錢之物唯手槍三枝尙可相示言時又恐御人不信以手入橐似欲出而試之此不過冀執鞭者生其恐怖不料恐怖之極從車一躍而下且奔且叫曰吾願以若馬若車爲贈但乞貸吾一命足音與枯葉被踏之聲由近而遠由有而無思木勞復至此乃



信農人無他不但非盜且疑已爲盜然馬已不進車駐道周心念彼乃畏我如此其僂可知然吾不識途如御之徑去豈不等於行劫挽回前失唯有呼而告之乃大呼喀立穆喀立穆空際但有應聲回響其人已不可復得念彼遠颺則當在車中過夜遠聞狐嘯狼嗥及御馬蕭蕭之鳴思之大震脊骨爲之寸裂又曼聲哀之曰喀立穆佳人喀立穆俠士千呼萬喚歷兩小時嗓音已啞不能出聲林木搖落習習微風雜有呻吟呼吸之聲思木勞復曰汝爲喀立穆先生乎可速登車適者何以不告而別喀立穆曰汝欲以槍擊我何敢不逃思木勞復曰吾爲戲言汝竟信以爲真吾之欲出手槍恐汝將圖我故先發制汝今猜疑既釋吾已凍澈心骨喀立穆念此人果爲盜者何不攫我車馬以去遂亦不疑於是輕移其步復至車前思木勞復曰速來勿疑汝真僂人轉而畏我喀立穆既登車而恨曰汝且穩坐假如我能前知汝卽以百羅布奉我亦不肯以車載

汝。此。來。幾。碎。吾。膽。言。罷。鞭。馬。欲。行。馬。已。久。立。非。按。四。數。鞭。之。不。行。思。木。勞。復。凝。神。辨。路。並。未。改。道。倦。極。若。暝。以。爲。長。途。無。伏。險。矣。

### 律師之訓子

一。律。師。名。畢。科。士。克。在。按。司。署。任。出。庭。辯。護。歸。到。所。居。之。室。方。脫。去。手。套。女。師。相。見。告。之。曰。適。有。人。來。取。一。書。云。爲。葛。雷。鎬。累。夫。所。遣。來。吾。告。先。生。未。歸。又。新。聞。紙。一。束。函。二。請。先。生。過。目。吾。有。一。語。願。先。生。加。之。意。令。郎。西。區。遮。吾。見。其。私。吸。烟。捲。前。日。卽。有。此。事。吾。戒。以。好。言。渠。以。雙。手。自。掩。其。耳。作。歌。愁。跳。以。亂。之。殊。不。聽。教。畢。科。士。克。聞。之。聳。肩。曰。西。區。遮。乃。已。吸。食。烟。捲。心。念。如。此。乳。口。已。噙。烟。捲。事。轉。可。笑。又。問。今。年。幾。歲。女。師。曰。今。已。七。歲。吾。願。先。生。勿。輕。吾。言。七。歲。而。吸。久。慣。成。習。殊。傷。體。育。此。彼。之。萌。芽。不。可。不。並。其。根。去。之。畢。科。士。克。曰。先。生。之。所。教。自。是。金。石。但。不。知。彼。從。何。處。得。之。女。師。曰。先。生。之。案。頭。畢。科。士。克。曰。如。此。煩。

先生喚之來女師既去畢科士克就案旁一椅危坐略閉其目念此雛兒學作大人烟氣氤氳竟能吐納心存溺愛亦遂聽之又念女師諄諄告戒鄭重其詞不覺回憶兒時初入小校不過幼稚保養之意一旦有偷吸烟捲情事父母保傅聞之皆以爲可駭可怖甚至撻楚之不足且有斥退出校者試思一經斥退則陷於終身失學其苦何如彼時父師不知處分之宜但一味視爲惡習抵死革除其實不能瞭然於輕重因憶本校校長耄年樂育情性和平然見學生犯此過失必至驚嚇退縮面色發青開教務會議立予除名大概社會之心理唯不甚明晰之害處攻之益甚同學有二三人因此革退後日之結果極其不堪此科罰太重之流弊浮於所犯之罪未免不情不知人貴活潑天既生人一切嗜好根於天性若一一任其自然固必致猶水就下踰越範圍然亦不必矯枉過正在教育家法律家清夜捫心求其愜心貴當何可多得畢科士克思潮推

衍。因。在。官。任。事。所。耗。之。腦。力。已。多。藉。此。浮。幻。之。空。想。更。換。之。轉。有。滋。補。至。問。此。等。思。想。從。何。處。發。端。浮。雲。一。瞥。自。身。亦。莫。知。其。故。女。師。去。時。雖。暫。靜。中。動。念。一。息。萬。殊。聞。樓。上。有。人。散。步。再。上。一。層。有。人。方。按。風。琴。唯。散。步。足。音。或。重。或。輕。似。有。憂。思。又。似。牙。痛。天。方。向。夜。市。聲。漸。寂。加。以。久。喧。得。靜。幻。想。環。生。其。子。西。區。遮。相。隔。兩。間。方。問。女。師。曰。吾。父。歸。來。乎。女。師。曰。歸。來。矣。汝。勿。聲。畢。科。士。克。方。念。兒。來。教。以。何。語。未。及。准。備。西。區。遮。已。走。入。七。齡。甫。屆。薄。弱。不。勝。非。衣。服。略。有。識。別。方。疑。爲。一。女。娃。正。似。溫。室。中。花。草。純。恃。烘。焙。而。妍。手。腳。輕。盈。髮。披。蔽。額。來。卽。匍。伏。於。膝。將。近。其。父。之。頸。曰。吾。父。念。我。乎。晚。來。安。否。畢。科。士。克。止。之。曰。吾。父。子。且。勿。相。親。吾。有。欲。言。吾。甚。怒。汝。將。從。此。不。愛。汝。汝。亦。知。之。乎。從。此。將。不。以。汝。爲。子。西。區。遮。聞。之。目。灼。灼。注。視。其。父。之。面。斂。手。問。曰。吾。未。有。過。失。吾。未。走。入。此。室。吾。未。觸。亂。案。上。之。物。畢。科。士。克。曰。密。司。拓。那。黎。適。者。告。予。矣。汝。又。吸。食。烟。捲。有。之。

乎。西區遮曰：有之。祇一次耳。畢科士克曰：汝乃妄語。密司拓那黎眼見兩次。汝今有可惡之三節：一爲偷吸，一爲擅取，一爲妄語。三者並科。汝過至大西區遮，目笑而服曰：誠哉。兩次前日今日畢科士克曰：既爲兩次，何得謊稱一次。汝本可兒，今乃改變性質，不受吾教。且說且以手爲理，其垂垂之髮，自念以下當作何語。久之，乃曰：汝不才，非我所料。第一不應擅取。汝對於煙捲，無取用之權力。凡物必爲己所有，始可隨意取用。如爲他人之物，擅自取之，爲不法。則譬如密司拓那黎，彼有一篋筒，中有衣裳，明明爲彼所有，吾與汝不當過問。因其非己所有也。汝之小馬，汝之畫片，指定爲汝物，則汝有主權。吾卽心愛之，亦不能避。汝取之，西區遮揚眉上矚，若有所會，曰：吾父既愛此小馬，卽可取去。吾之小磁犬，吾方以之置父案上，畢科勞復曰：汝又悞會矣。吾爲汝解說，卽如此磁犬。汝以奉我，則在我有主權。聽我隨便陳設，不拘何處，且不具論。但論煙捲，吾並未

授汝。我有時須吸煙。並未攜帶。必須向人索取。經物主允許。吾始可取。畢科勞復。清言玉屑。細細發明。非已物。不得擅有之旨。西區遮凝思。若癡手支案上。漸復其常態。目光忽注於案上之紙墨及膠水瓶。乃持膠水瓶以之質父。曰。此是何汁所製。何以黏手不去。畢科勞復。卽從其手奪之。仍置案上。曰。汝勿亂吾語。吾告汝吸煙。非所宜。如我春秋已盛。偶然嗜此人。且有責言。謂我爲愚蠢。不知衛攝體氣。近人謂吸煙之年歲。當減於不吸者。以倍吸多。則壽短。況汝尙在兒時。心肺柔脆。猛受煙氣。則辣心而刺肺。疾病遂生。不見汝叔葛那夏治乎。彼以肺病而亡。設非吸煙。當至今健在。至此西區遮以手摩案上之燈影。忽插言曰。吾叔善拉哇。甌零。今尙存。葛雷鎬累夫家言。罷據案。若有所思。別有會心。於目中揣摩之。似有悲苦畏懼之意。因亡叔念及死母。失恃未久。平日憶及。方以其母生天。傍星辰而居。等語慰之。今又觸起哭母之心。爲之父者。悼亡心篤。只得。

緘。默。無。言。垂。頭。思。索。自。念。更。用。何。語。察。其。心。意。於。不。復。吸。煙。之。說。尙。不。謂。然。必。須。搜。索。枯。腸。覓。一。話。頭。於。是。起。而。閒。步。自。憶。兒。時。此。問。題。最。易。解。決。詈。之。撻。之。痛。戒。其。後。此。不。過。洩。一。時。之。怒。至。於。不。吸。與。否。正。不。可。知。如。賦。性。頑。劣。黠。而。怙。過。且。藏。之。衣。底。避。人。而。吸。之。如。再。發。覺。必。不。敢。在。家。門。左。右。或。遁。至。河。側。公。然。恣。吸。之。至。於。老。而。不。悟。卽。論。吾。身。吾。母。愛。憐。往。往。因。不。許。吸。煙。多。給。吾。錢。以。市。他。食。品。是。以。代。價。易。其。嗜。好。也。以。上。二。法。均。有。悖。於。道。德。方。今。教。育。家。將。童。子。應。享。之。權。利。竭。力。主。張。則。前。之。一。罰。一。賞。皆。無。所。用。之。畢。科。勞。復。來。回。散。步。莫。得。端。倪。西。區。遮。已。據。椅。伏。案。以。筆。墨。自。娛。矣。原。有。裁。就。之。紙。範。藍。水。壺。一。事。專。以。備。興。到。塗。鴉。之。用。防。其。信。手。毀。壞。他。件。此。時。所。畫。爲。一。屋。且。語。其。父。曰。今。日。庖。人。以。刀。切。椰。菜。誤。傷。其。手。負。痛。驚。呼。家。人。皆。奔。往。視。之。密。司。拓。那。黎。使。彼。以。涼。水。浸。之。彼。眞。糊。塗。但。以。口。舌。啜。之。以。淋。漓。之。血。手。納。垢。於。口。殊。刺。人。目。吾。父。

亦以吾言爲當耶。今日午飯時有一彈琴者。攜一雛娃。能作歌與琴聲相應。畢科勞復聞其建議含笑於中。意謂癡兒其胸中自有一世界。亦具有臧否之識。似此化機流動。不能強加限制。儻再欲申前說。則非言盡繼之以泣。不足以感之。由此觀之。則母教利於幼稚。如其母曰。汝不信吾語。吾怒且哭矣。當收奇效。至於我按之道德揆之法理。實無絲毫之作用。生平閱歷已深。並不盲於學理。研求法律保護。訴訟人責備。訴訟人清辯滔滔。脫口而出。今在室課此七歲之兒。竟至詞窮力索。甚愧於心。乃抗聲曰。汝須聽我。汝須允我。永不復吸。汝今避我爲此。則於汝之私德有虧。西區遮不知所謂私德。乃吟哦私德二字。似求解說。畢科勞復乃自懟。失言與小兒作此深語。徒致索解不得。可見教子實非所長。儻官署同袍見已。此時窘狀。豈不笑我爲癡。豈明於詰人而拙於訓子耶。且置勿論。不必徒自苦矣。就坐取所畫視之。一小屋於屋頂畫一煙突。煙裊



裊盤曲而上直過紙幅之邊際旁立一兵手中持槍且露槍刺以兩點爲兵人之目因笑曰人不能高於屋頂試觀汝所畫之兵屋頂反在其肩下時西區遮已復坐於膝上對曰不然假如如此兵縮小吾更無法以點睛畢科勞復聞之亦不與論如何改正之處蓋平時體察視小兒如野人自有一種奇想西區遮目動色笑乃伏於其父之肩側以手爲拂其鬚又取梳分之相之曰吾父乃肖意曼思特威條爲分之合之曰此時乃肖吾家之司閹彼司閹何以終日守門寸步不離殆防有偷兒入室耶西區遮之面已逼近其父呼吸可數氣味相親不覺天倫之眞愛有所觸發其父亦遂盼矇而矜許之自語曰如此可憐如何可以撻楚吾如爲師推此心以教人子又何怒之不可息而從事於夏楚人苦不自知抗顏爲師以爲目無難題童孺不聽教則撻之此非讀書養氣積有半生思想必不能如我周到體驗愈久避忌愈多臨事則分外膽怯如廣授門徒或

著作一書皆視爲極難之事。思維至此鐘已十下。曰：汝且睡去。向我道：「晚安矣。」西區遮曰：「吾不思睡，再坐片時。」吾父舉一軼事，或一諧談，吾聽罷，即可甘寢。畢科勞復，點頭應之。平時常有之事，塵勞終日，性又健忘，每舉一事，率由新編，往往託一家一人首句說出，竟不知若何收尾。小兒所愛聽者，大約貴淺近，又貴簡鍊。今日卽事，生情藉以警悟，最爲得宜。乃曰：「從前有一國王，年老鬚已純白，所居宮殿純用水晶造成，太陽照之如一冰結之山，更有一花園中有梨樹、橘樹、櫻桃樹各種名花，枝上好鳥爭啄花果，特製護花鈴於樹上，鈴亦水晶所鑄。琢微風吹動，發出微妙之音，比之五金所鑄尤覺悅耳。噴水機比飛瀑尤奇，汝見瀑布乎？汝姑銷夏之別墅前已見之矣。不過此國王之蓄水得法，水皆從樹柯瀉下，王有一太子美如玉人，年與汝此時相若，極爲純謹，食宿以時，國王玩好雖多，太子絕不敢有所損壞，唯有一極僻之病，最好吸煙。西區遮傾耳諦聽。

畢科勞復知其言易入然何以結束久之乃太息語之曰太子因吸煙逾量肺葉焦枯喘嗽不休至二十歲時奄然而逝可憐年老之國王衰病侵尋見膝下無兒無心理國召來外侮將王之水晶宮殿一火焚之花園亦成爲焦土至今日過其國者不復見好花好鳥及至妙之水晶鈴矣西區遮於此已不待其父引伸究竟並不似平時之窮詰目光瑩然含有清淚默然一分鐘之久乃曰吾從今以後不再吸煙矣說畢問安而退畢科勞復如釋重負愉快於心散步來回忽發猛省曰觀於此則修詞之粉飾萬不可少但戒以勿吸煙捲則不應編入軼聞則欣然自投可見講說道德亦非輔以事實不可有如藥丸其中雖利病而苦必須傅甜蜜於外皮則食者甘之凡事有不嫌其僞者此類是也譬如演說扼要據實可以一二語盡之勢必指東說西援古證今引經據典亦藥丸中苦外甜之故技此爲人之通弊天生人皆含有甘受欺給之性質不獨小兒

爲然思之。成笑復略治所積之文件。上層之風琴久已罷奏。而頂上散步之足音。仍未輟止云。

### 可棄

孟夏六月一日。下午七鐘。有許多避暑者。方從喀奴苛布車站下車。順大道步行。此皆一家之長。來就其眷屬者。手攜皮篋。或行囊。狀極困倦。且甚飢渴。夕陽芳草。風景絕佳。衆人見之。頗有不屑流連之意。其中有一人爲泡路。齋甫在司法署中供職。體幹極偉。肩背甚圓。周身汗流。溼衣貼臂。黏股隱隱。見肉頸皮發赤。若受熏炙。於圍鑪同行。又一人亦避暑於鄉村者。著一紅色禪。見泡路。齋甫之狼狽。遂問曰。日必來就村居耶。泡路。齋甫曰。不然。吾妻子卜居於此。吾於一禮拜來兩次。吾固無暇。且浪費力。所不逮。紅禪人曰。浪費之說。甚是由官中出。不能徒步至車站。須坐一馬車。火車購票。須四十二考卑克。車中寂坐。須購報。

紙一份精神不振又須購烏登壑酒一杯通盤合算此一夏中應費二百魯布然所享之清福甚多當溢此區區代價之數吾等置身政界薪俸不豐每一考卑克當視爲十考卑克假使浪用一考卑克必一夜不能安枕先生吾不知其歲入幾何至論我一年之所得不足二千魯布吾吸煙捲不敢用上品醫士謂我飲威克藥水於體氣爲宜吾不忍捨此一魯布迄未肯購泡路嗇甫曰自我言之最可惡之積習莫如避暑之舉在家豈不能銷磨創此無道之惡習者必爲大荒之窮魔與奢侈之婦女造意者藉以網利婦女向來無識好動惡靜一味昏餽其實避暑此間直是受罪何福之有試觀此間炎熱使人呼吸不伸而來者絡繹於途豈非怪事城中住居童僕器用拔宅移來如仍在家茶水亦不可得至於祇候之人更不待言勞形公牘幸獲公餘亟亟登車罷於奔命試觀塵土坌集天熱如火來嘗此苦眞不值之至先生已取婦乎紅禪人曰吾授室

久矣。已有三子。兩人隨意。問答已到。銷夏之村莊。泡路齋甫。乃與紅禪人。作別獨向。別墅而來。入門登堂。清淨無人。蛛網之上。絆一蒼蠅。振翼作響。歷歷可聽。燈不甚明。似已入睡。及經廚下。庖人已不知何往。走入己室。其子毘忒。一人在焉。毘忒年方六齡。獨坐案側。口中嘈雜似歌似謔。手執一剪。正將撲克牌。剪作碎片。略一舉首。見其父曰。吾父來。吾父安好。泡路齋甫曰。汝母何往。毘忒曰。母與密斯渥如茶。往觀演劇。後日開幕。今日先行試演。不挈我俱去。吾父亦往乎。泡路齋甫曰。汝母何時始歸。毘忒曰。今晚必歸。曰。那托李何往。毘忒曰。吾母携那托李。同往以備服侍。更衣亞苦。納入林擷蘑菇去矣。吾父教兒彼蚊蟲。何以腹有紅血。泡路齋甫曰。吾亦不知。彼嘔人之血。那得不紅。然則家更無他人乎。毘忒曰。唯我一人。在此。泡路齋甫聞之。喟然引目。外望復問曰。誰爲汝備食。曰。彼等今日不家。食吾母。謂吾父未必歸。並未使庖人備餐。母與密斯渥如茶。在

劇園中午餐泡路嗇甫曰如此汝將奈何毘忒曰吾有牛乳六考卑克所購吾父當知蚊蟲何以嘍人不已泡路嗇甫此時不能復忍肝胃間宿疾復發氣痛非常斷續極促忽然憶及醫士所戒性不可躁遇可怒之事須設法按壓不使角弓反張於是口吹唇似作短歌以調攝之毘忒曰吾父亦喜演劇乎泡路嗇甫愈不能支斥其子曰汝勿僂問不休汝之多言如落葉沾在汗身拂之不去今已六歲愚蠢才如三歲此撲克牌何必剪碎喜毀恩物且不可況非汝所有乎毘忒曰此非吾父之物那托李給我使我藉以消遣泡路嗇甫曰汝妄言輕毀此物委過於人吾得責汝吾將擗汝耳以懲其後毘忒立起掩面大號哭曰因何噴責我吾父不加愛勿視兒可也我未敢犯過剪此廢牌實係那托李所教並非謊言泡路嗇甫尋已自悔小子何知吾何必遷怒於彼欲止其啼只得輕拍其肩曰勿哭吾不責汝吾自愛汝汝固至佳毘忒乃以衣袖擦其眼淚

復坐復剪如故。泡路齋甫徐行至臥室，倚榻假寐。以二手交叉於腦後，心地略舒。大約兒啼可以寢，怒此時氣平，不復作痛，而飢腸輪轉，倦眼錫黏，又餓又疲。方將不食而睡，毘忒又來。親其父，問曰：「吾有許多昆蟲，吾父亦樂觀乎？」未及答，毘忒已捧一綠色長篋，授之。泡路齋甫默然，方接入手中，聞蟲足著紙，有聲。甲蟲、蝴蝶皆以花針刺於篋底，尙有振翼哀嘶者。毘忒曰：「此草蟲尙栩栩欲活。昨日之晨，執之釘之於此，何以遲遲不死？」泡路齋甫曰：「此是誰教汝爲之者？」毘忒曰：「密斯渥如茶。」泡路齋甫曰：「渥如茶亦應受此毒刑，以大釘貫其心，速攜去，戕害微蟲，最有影響於蒙養。天乎！小兒萌茁之天真，幾不爲此曹摧滅殆盡也。」此時飢火或然，或息。天已漸入昏黑，聞鄰家三五成羣，晚浴方罷，談笑而歸。又一人卽在牕戶之下，聲喚新摘蘑菇，求售無應之者，乃向往處去。外間若樹若草，已不可辨。廳門忽闕，足音甚繁，笑聲始縱。蓋夫人結伴歸矣。毘忒候



門迎入泡路。齋甫隔牕偷覩。見其妻。豔妝麗服。密斯渥如茶於燈下。望之面黑。斑猶約略。可數。挾有二男子。其一年青瘦小。髮紅色。捲翹額角。一矮人甚胖。面如滿月。新經刮磨。光亮照人。其妻呼曰。那托李速。增數燈。汝主已歸乎。乃呼泡路。齋甫之小字。克逋使之速出。欸客泡路。齋甫僞爲入睡。不應。妻乃走入臥室。問曰。汝來晚。問安否。汝運極佳。吾敦請善歌者二人。汝速醒。吾爲介紹。不得已。同出。指瘦者曰。此君爲考魯密。饒泊歌唱極能悅耳。又指矮者曰。此君爲斯毛克。老普是專門名家。吾擬與考魯密。饒泊合唱一曲。乞斯毛先生正拍。吾真失檢。那托李速以點心來。屬庖人立辦。晚餐。吾疲極。供給不周。乞二君恕之。泡路齋甫轉身。自去私語曰。豈有此理。不知吾無此閒錢。羅致清客。其妻立隨。其後斥之曰。汝真妄人。汝又慳吝而憂貧。是明明掣吾肘。與吾爲難。泡路齋甫始默然垂頭而立。約半句鐘。那托李已盛設肴酒。以樂嘉賓。席間歡笑。形迹不拘。泡

路。齋。甫。但。以。焙。饅。果。腹。託。詞。歸。寢。其。妻。與。二。客。更。唱。迭。和。聲。動。鄰。壁。毘。忒。亦。從。旁。狂。叫。習。學。高。歌。唱。罷。又。背。誦。其。詞。縱。談。恣。笑。音。浪。如。連。珠。不。斷。就。中。或。唱。或。談。以。其。妻。及。考。魯。密。饒。泊。密。斯。渥。如。茶。鋒。頭。極。銳。斯。毛。克。老。普。老。斲。輪。手。若。爲。之。師。因。致。身。曲。部。顧。而。知。誤。若。者。亢。而。軼。絃。若。者。低。而。離。拍。雌。黃。入。細。絲。毫。不。肯。貢。諛。三。人。又。環。求。曲。師。自。度。斯。毛。克。老。普。唱。時。手。足。並。用。殆。合。喉。音。身。度。二。者。並。課。之。久。之。始。聞。收。撤。碗。具。之。聲。倦。極。合。眸。凝。神。揣。度。以。爲。夫。人。送。客。之。時。近。矣。但。聞。其。對。客。曰。歸。途。甚。遙。天。黑。無。月。何。不。下。榻。於。寒。舍。考。魯。密。饒。泊。卽。就。此。室。一。宿。斯。毛。克。老。普。卽。據。吾。兒。毘。忒。之。榻。命。毘。忒。隨。其。父。共。宿。二。君。幸。從。吾。請。此。時。已。二。鐘。多。矣。議。妥。臥。室。之。門。忽。開。其。妻。低。聲。問。曰。克。逋。汝。已。熟。睡。乎。曰。未。也。汝。又。何。須。妻。曰。汝。且。起。往。外。間。書。廳。宿。此。榻。須。讓。密。斯。渥。如。茶。書。廳。荒。寂。渥。如。茶。膽。怯。不。肯。往。泡。路。齋。甫。悵。然。起。立。披。其。寢。衣。自。抱。衾。枕。而。往。火。柴。一。擦。

其子毘忒已先在焉。見燭光拭目視之。似已睡醒。問其父曰：「此蚊何以入夜不睡？泡路嗇甫神色不怡。隨口應曰：『吾亦不知。大約吾與汝皆在可棄之列。故深夜尙移宿處。』」毘忒又問曰：「密斯渥如茶面上何以黑斑久不去？」其父曰：「已矣。勿絮。毘忒乃無語。復睡。泡路嗇甫不安於枕。披衣出門。至大道吐納空氣。其時天已將曙。癡雲不散。固結於空。微聞鳥聲漸起。念晨光初動。勿俟朝旭肆威。卽乘車入城。飯飽茶餘。更補此所欠之睡債。方一移步。見道側有一人影。以爲必巡更守夜者。迫而視之。二人却立。彼此快觀。蓋卽昨夕同行之紅禪人也。因問曰：「君不貪眠。何以辨明而起？」紅禪人曰：「誰不愛此朝涼睡鄉。久戀吾室。乃有女賓。昨夕突來來者。吾外姑。外姑又携其孫女二人來。二女卽吾妻之姪女。極可愛也。吾心甚樂。不覺喜而不寐。此間露水極重。君亦貪此風景耶？」泡路嗇甫曰：「吾觀欲曙之星河。恨不得舉杯擊賞。不知近村有酒市否？」紅禪人當下不知所對。

亦翹首仰視對澹澹之星河若有所思云

### 肥瘦

有兩友邂逅於車站一人極肥一人極瘦肥者正從車站進食口上油膩脣上發光其紅如櫻桃滿身皆有酒香瘦者方從車站下車手携行李及皮包數件驗其齒芬不過茶點之氣味一婦人身不甚長唯長其頰佇立於瘦者之後乃其妻也又一初級學生爲瘦人之子肥者訝之曰是汝乎汝爲吾老友多年不見瘦者曰天耶誰能預料自小之昆弟今從何處來三抱而親之四目相向均含有欲涕之意其感動爲何如因譽之曰浮生若夢不期而遇三生有幸難得同學少年標格還如昨日料汝已成富翁已授室乎吾已娶婦久矣此吾妻露亦紗此卽吾子那梭尼若今在學校第三班學生汝來見汝父執此吾童年之同學也那梭尼若脫帽鞠躬而退瘦人復曰想汝尙能記憶同學均呼汝爲

西。堯。思。托。士。因。從。前。汝。吸。紙。煙。誤。火。讀。本。一。冊。吾。其。時。亦。有。譚。名。同。學。皆。呼。我。爲。依。罰。托。思。其。意。蓋。因。吾。好。爲。諧。語。許。多。笑。柄。至。今。回。首。如。在。目。前。吾。兒。吾。妻。不。必。迴。避。此。可。稱。總。角。之。交。那。梭。尼。若。腩。腆。偏。匿。其。父。之。身。後。肥。者。睨。瘦。人。微。笑。曰。汝。當。得。意。今。尙。振。翼。青。雲。抑。倦。飛。息。羽。乎。瘦。者。曰。吾。方。任。職。今。值。第。二。年。度。吾。充。大。教。堂。副。主。計。得。有。聖。斯。覃。尼。拉。士。寶。星。月。薪。雖。薄。吾。亦。不。以。爲。意。吾。妻。善。於。音。樂。乃。爲。教。習。吾。於。閒。時。製。煙。捲。篋。極。有。精。緻。每。一。事。能。賣。一。羅。布。如。購。至。十。數。二。十。數。價。可。遞。減。價。廉。物。美。人。爭。購。之。吾。所。任。職。爲。主。教。所。支。配。昨。方。量。移。於。此。地。汝。一。別。多。年。有。何。佳。況。爲。議。員。乎。抑。爲。顧。問。乎。肥。者。微。哂。曰。請。再。向。以。上。猜。之。吾。已。備。員。於。內。閣。幸。得。有。寶。星。二。瘦。者。聞。之。大。震。面。色。發。靛。足。立。處。如。鑄。勉。強。一。笑。目。眈。口。斜。全。身。筋。絡。似。被。抽。掣。身。本。中。材。至。此。又。縮。小。數。寸。其。妻。長。頰。因。張。口。伸。舌。頰。乃。更。長。其。子。足。恭。屏。息。不。覺。失。措。一。手。專。摸。衣。鈕。

瘦者曰大人吾真萬幸得遇福星自愧不才何敢恃愛忘形難得大人飛黃騰達至於如此肥者深覺不安鬻蹙而言曰汝爲兒時學侶何必爲此聲調使人難堪瘦者卑以自牧愈不敢脫略形迹奴顏婢膝均不足以喻之貢諛曰今日利見大人舉家有慶此犬子那俊尼若也此拙荆露亦紗也肥者方欲久與立談見其殼棘不堪卑鄙之形對之欲嘔乃略與寒暄將與作別出肥而且白之手以授之瘦者不敢公然滿握但以三指微捧之腰折至地不敢仰視口中讚美有聲無辭其妻掩口而笑其子那俊尼若驚惶萬狀不覺帽墜於地直至肥者相去已遠始漸漸還復元氣焉

盜馬

一人名耳干姓洛浦爲醫院副手生性浮誇好爲無稽之言愛酒如命往往逾量十二月二十四爲耶蘇誕生之前一日從村鎮爲醫院購置藥品及物事醫

院長因力求其速。假以心愛之良馬出門之時。天氣極佳。下午八鐘。漫漫大雪。天地爲之易位。計其程去醫院約七俄斯提。迷離莫辨。走入歧途。耳干聽其自。然以爲馬必識來時之路。歷兩鐘之久。馬瘠人倦。受凍欲僵。略一諦視。乃向雷坪。故居之途。心知失路。忽於風雪中起隱隱犬吠之聲。求其聲之所在。大約爲大道之旁。斜累考僕之旅店。由此轉折至醫院。尙須五六俄斯提。此旅店爲斜累考僕所設。前已身死於盜。遺有老妻弱女。此女名柳康。曾至醫院中贖藥。事在二年以前。彷彿想見其顏色。此店爲著名黑暗之獄。如此深夜。借人之馬。投入其中。危險必不能免。又念前後無著。且住爲佳。又自恃携有手槍。遂躍馬而前。方至臨街牕下。卽輕嗽一聲。以求響應。久之寂然。乃以馬策亂搗。復大聲呼曰。此中人速出納我風雪。不情砭人肌骨。俾得入室。噓寒。此聲一發。一犬衝出。隨後來者若白若黑。約有七八犬。齊聲狂吠。耳干怒極。舉鞭就近。馬之一犬。猛

鞭之倒地不起。狺狺者化爲呻吟，音極慘苦。仍向牕中引望，久之見樹上映有燈光，雪夜生明呀的一聲，從大門露出一人，似爲婦女，手執車燈，耳干乃下馬至門。女人乃嗔責之曰：「是何惡客？」曰：「吾來投宿，吾方購物，欲歸醫院，遇雪迷途，吾乃方正士也。」何言惡客？女人曰：「吾有友人在屋，不欲見面，生可疑者。」汝旣欲入門，並未加鑰，何以敲我牕戶耳？干亦不致辯，牽馬隨入，抵屋門之限，乃曰：「請囑侍者爲吾馬置廐中，並將鞍上物付我媪，其勿辭。」女人曰：「吾非媪，汝謂我爲老人乎？」言時，手提其燈，顯出如花之面，耳干藉燈光平視，卽佳人柳康也。翩然已將入屋，始曰：「吾處無人醉者，已醉睡者已睡，侍者皆往雷坪，因今日放假也。」耳干不得已，自秣其馬，黑中聞有喘息，以手捉摸，已有一馬在槽，詳辨之，似爲克沙坎人所御。私念旣有馬在此屋內，必有廐客，此女之母，何以不出？因將所卸之鞍及所購之物，走入屋中，春氣盎然，溫和之氣從新板壁中烘托而出。



不覺須上堅冰立時鎔化有一餐桌壁上嵌有耶穌偶像其側坐一瘦之小村夫眉髮皆赤色身著藍色短褐此人爲誰耳干識爲卡拉度爲著名之馬賊其父與其叔開一酒店專以偷盜馬匹爲唯一之營業平時亦屢至醫院並非就醫因院長亦有馬癖往與縱譚相馬之方法或問以須買或問以須換故耳熟其爲人今日理髮生光耳環既新衣亦乍換假期遊冶亦其常也桌上有一冊書縐眉恣觀其神專注更有一人首至肩均不可覩因以藍色皮褐蒙頭而臥其旁有兩足印所黏之雪已化溼水鞞上刺馬鐵粲如白銀耳干見卡拉度不甚歡迎兩股麻木不仁因兩手自搓拍其股曰今日之風雪太酷風捲雪入衣領中周身冰透吾所挾之手槍恐已浸潮言時出而示之卡拉度漠不經意看書圖如故耳干又自語曰天寒迷路不辨西東非犬吠之相聞此時恐已凍斃店主又不知何往卡拉度乃答曰老店主往雷坪其女方治晚餐二語已畢彼

此。仍。嘿。然。不。語。耳。千。兩。手。自。抱。口。呵。有。聲。聞。院。中。犬。吠。念。此。時。若。在。中。途。何。堪。設。想。今。既。得。庇。宇。下。應。有。以。交。懽。之。問。曰。汝。自。波。哥。福。盆。來。耶。卡。拉。度。曰。唯。唯。吾。從。波。哥。福。盆。來。言。下。又。復。寂。然。耳。千。只。得。獨。涉。遐。思。念。波。哥。福。盆。爲。一。大。村。落。在。一。山。崖。之。下。不。論。何。人。經。過。崖。上。者。從。山。腰。下。矚。一。洞。豁。然。黝。黑。如。獄。及。入。其。中。星。月。如。墮。別。有。天。地。似。在。地。球。之。外。崖。極。險。仄。而。盤。曲。從。前。曾。一。再。問。津。因。往。村。中。種。痘。洞。口。不。能。通。車。入。時。必。須。徒。步。口。脣。作。響。以。防。對。面。人。來。村。人。有。二。特。色。善。種。花。樹。善。盜。馬。匹。果。樹。縱。橫。高。下。銜。結。春。時。一。望。白。色。櫻。桃。花。遠。無。邊。際。夏。日。入。林。只。須。三。考。卑。克。可。得。葡。萄。一。籃。隨。意。摘。食。任。其。滿。腹。不。索。值。女。子。皆。美。地。既。沃。富。居。人。貪。愛。風。景。除。種。樹。或。盜。馬。不。別。治。生。往。往。箕。坐。榻。上。我。爲。爾。剃。面。爾。爲。我。修。眉。羣。以。潤。飾。容。貌。爲。排。遣。耳。干。涉。想。未。窮。足。音。微。動。柳。康。忽。來。此。女。妙。齡。才。十。有。九。歲。著。一。緋。衣。入。門。卽。脫。其。襪。履。白。足。如。銀。由。東。

隅。至。西。隅。踏。行。於。地。板。之。上。因。板。上。傳。熱。藉。以。自。溫。久。之。又。振。臂。微。袒。其。胸。卡。拉。度。見。其。來。並。不。就。已。忽。大。笑。呼。之。至。前。柳。康。亦。含。笑。相。俛。卡。拉。度。指。示。一。畫。圖。使。之。瀏。覽。乃。古。昔。一。神。名。意。賚。查。手。鞭。神。馬。上。天。柳。康。以。皓。腕。著。椅。上。髮。辮。分。束。如。尾。其。端。綴。以。紅。繩。長。委。於。地。對。圖。亦。豔。羨。不。止。卡。拉。度。曰。此。畫。通。靈。人。間。那。得。有。此。神。駿。說。時。以。手。向。紙。上。作。捉。韁。之。勢。忽。聞。牕。外。怒。風。撲。入。煙。突。中。聲。似。一。巨。掌。撲。殺。一。鼠。柳。康。曰。鬼。乃。大。至。卡。拉。度。曰。安。得。有。鬼。此。風。力。回。翔。之。故。又。以。目。屬。耳。干。曰。先。生。通。人。可。以。發。揮。學。說。世。界。上。究。竟。有。鬼。無。鬼。耳。干。辱。此。寵。問。聳。肩。以。答。之。曰。明。問。及。此。使。我。如。何。屬。對。按。之。科。學。家。言。謂。見。鬼。者。爲。迷。信。爲。狂。病。然。彼。此。至。交。放。言。不。禁。誠。哉。有。鬼。吾。已。半。世。之。人。生。平。富。於。經。驗。憶。昔。在。學。堂。畢。業。思。以。醫。科。致。通。顯。投。馬。隊。中。爲。醫。正。從。征。敵。國。轉。戰。遠。邦。乃。事。與。心。違。祇。得。一。紅。十。字。寶。星。從。施。提。發。努。一。役。之。後。卽。成。和。議。停。戰。至。今。吾。

歸故鄉棄武就文專以醫道壽世吾敢質言有生所見之奇事比之世人夢中所見尤爲幻異世之遇鬼者自神其說甚至有角有尾其實不然卡拉度曰試言之在何處所耳干曰甚多甚多不止一處當此夜談不應說鬼然藉此可以破寂且就近處言之地距此店不遠吾往戈黎西婁爲人種痘坐一雙套馬車藥籠悉置車內正在開輪前進萬不料夕照猶明鬼已出現吾以眼明亦已洞燭鬼自士雷克好浪山坡走下遠向吾車而來其髮其面皆黑如墨煤黑手如箕止吾之馬鞠躬問予曰先生何往言時一笑黑齒如鋸目睜睜如烏丸吾乃具告之曰汝問何往我爲人種牛痘耳鬼曰若此便佳我正欲煩先生種之言時卽伸如漆之臂至我前吾不能却遂以小刀刮出黑血少許如法種之鬼乃長嘯而去當時不能遽定爲鬼及視刺血之小刀已生黑鏽至此蒙衣之睡漢忽動略一翻身皮褐已著其身再相其面卽前日所遇之種痘鬼也頭面依然

眼眉如故。左頰上尙有一黑痣。大如扁豆。不韞赤足。立而言曰。吾前日曾在道旁。一阻汝之乘馬。此外並無其他之情事。汝奈何造出種痘等語。且吾黑亦猶人耳。何至酷肖一鬼耳。干大窘。只得飾說之曰。吾所說並非足下。幸勿見責。請仍入黑甜。如何私念此村夫。素未得與一面。亦未到過醫院。不知爲何等人。就表面視之。似爲無業游民。伊柏撒之同種人。黑人卽傍柳康而坐。卡拉度意不在觀圖面上。頗露妬意。柳康獨親之曰。木雷蛇。汝能將此馬取來。我能乘之上。天卡拉度曰。此言污辱神聖。天上乃神聖所居。汝等孽重。未易登也。柳康一笑而去。俄頃復來爲客。設饌。鹹黃瓜。鹹豬肉。又牛肉。一木盤旁置小鍋。以臘腸與椰菜共炒之。酒爲瓦登。康方從瓶中倒出滿屋之中。皆有橘香耳。干雖與列坐。卡拉度與木雷蛇相對談笑。旁若無人。私念二人無狀。獨不以酒勸。已加以喉舌。奇癢許多。偉論雄譚。掬之不出。柳康如能寧坐以耳。干媚內之才。尙可以獵。

得數杯。乃柳康一息之間。起立五次。舉動輕躁。目已如贅瘤。有時鬢影花香。誤爲所觸。此女手舞足蹈。活潑如七八齡之頑童。坐近其旁。可以舉其身中之肌膚。一一摩挲。而消受之。見其與二村夫甚暱。二村夫重色而輕酒。均一兩杯而止。引杯獨飲。意在澆愁。瓶之罄矣。盤中之臘腸。椰菜。空已見底。念平日辯才無礙。豈此輩村人。轉無術以籠絡。乃乘酒興。對卡拉度曰。君在波哥福。釜鼎鼎大名。久已震吾耳膜。卡拉度曰。諛我是何命意耳。干曰。吾不敢。他有所指。聞貴村諸傑。能致天下之名馬。木雷。蛇曰。儵馬乎。此已往之事也。近者風流雲散。菲羸老朽。不堪白頭如雪矣。卡拉度曰。菲羸。今已七十歲矣。前有德國軍官數人。損此老。一日。其一雖未盲。已生雲翳。捕役之老於事者。皆呼爲沙密祿。言其爲渠魁也。吾鄉人亦率以此名稱之。而今已矣。眇菲羸已成盲菲羸矣。此老盛時本領。非常有鬼神不測之機。吾與安朱於一日晚間。遇此老於柔戈納大營時。馬

隊駐防於此。此老能從隊中盜出良馬十匹。隊兵如雲。竟不知覺。其後賣於耶福。卡拉每匹得二十魯布。爲盜者不劫醒人大。凡醉生夢死。日困糟邱者。盜卽剝其衣。拔其鞵。亦所不顧。得贓之後。往往至市場變賣。方與猶太人磋商價值。已爲偵者所弋。獲此等劣賊。吾所不取。無才無識。何如此老之能。柳康曰。木雷媯如何。卡拉度曰。木雷媯非吾同黨。彼從策考福來。此人孔武有力。佻達多情。吾以爲定評也。柳康斜睨木雷媯。頗以爲美。笑曰。彼亦善於生財。亦爲人所不恕。曾在冰洞中穿行。其浸灌之法極妙。耳干曰。敢聞浸灌之法如何。木雷媯笑曰。從前菲羸偷去沙卯乙堯狙佃人之馬三匹。衆皆疑我佃人。共有三十名。內有十人最稱壯健。遇我於市內。一佃向我曰。木雷媯來得其時。吾等新從馬肆購來許多新馬。請爲相之。吾聞之欣然。同往。三十人畢集圍而攻之。執我兩手。反繫於背後。驅至河畔。時正嚴冬。於冰上鑿成兩穴。相去約有十餘尺。法以一。

竹竿繫一繩。其繩頭拴吾臂。膊以竹竿從此穴貫入。彼穴衆於冰上。拽起吾方。屹然不動。一佃曰。請入河相馬。衆人合力一拽。繩被牽動。身旁衆人手推腳踢。我一失足。已兩腳朝天。頭入冰穴。歷時數分。乃從彼穴釣出。柳康聞之。頗似憐惜。身爲之顫。木雷蛇曰。出冰之後。已如陳人雪地長眠。猶有人踏之以足擊之。以槌以爲去冥路不遠。衆佃乃如鳥獸散。吾身與吾衣凍成一冰塊。寸心不死。頗欲起立。然無人扶助。如已入棺。天佑好人。生命不絕。忽有一女子經過。遇救。重生。木雷蛇敘此一節耳。干之酒力發動。興酣氣盛。搜索酒腸。竟得一事。以媚坐客。庶知我富有經驗。乃方發起。謂一日在盆查。卡拉度掩耳不聽。因其善作謊語。又在醉中。必無傾耳之價值。木雷蛇亦不願聞耳。干絮問其他兩人。亦付之不答。欲洩怒而無從。卡拉度似信教甚篤。言時必手作十字架。誰識爲慣盜。屢犯兩入大牢。非其父與叔備。緩入贖。久已實遣於西比里亞。至於木雷蛇。



直是一豪華貴介揮霍纏頭萬金如土因柳康頗獻殷勤若賣笑倚門者之力爲諛媚飯罷卡拉度對偶像禱告一次與木雷蛇握手木雷蛇亦按照形式對偶像禱告柳康撒食易以乾點水果並甜酒一瓶卡木二人對飲舉杯相觸各致慶祝之詞卡拉度復曰願得常相歡聚如此店中以及先兄馬挺處回憶先兄在日菲羸之精神奕奕談笑生風更有夕于豆英氣勃勃終朝讌樂酣暢淋漓木雷蛇亦爲之歔歔柳康停數分鐘姍姍其來頸挂明珠一串雲鬢之上罩以綠紗曰卡拉度試觀之此是木雷蛇所購言時對屋側大鏡自照前後左右活動有情又轉身屋後一門捧出一箱舞衣一襲雖綿線所織而顏色妍明大花蠟葉紅靛交輝又白褶練裙振之窸窣有聲如硬紙所疊手帕一方五色如虹霓穿著旣訖凝立而笑衆人爲之拍手喝采卡拉度乃取兩絃琴如拉鋸然發爲繁響耳千傾聽亦不知所操何調或悲或喜若哭若歌有時悲壯蒼涼令

人欲涕。木雷蛇忽然跳起。將鐵底長韉穿上。邀柳康共跳於爐火之前。或蹲如睡獅。或撲如乳虎。種種身段。目所未經。柳康迎拒掀翻。身容百變。卡拉度既羨。且妬。忽然拋琴而起。加入跳團。兩人固結。翱翔不留餘地。卡拉無法以插足。色似慍怒。乃伏身支腳。專欲絆倒。柳康以博一笑。乃柳康技頗嫻熟。遇之每超躍飛騰。若馬上跳索。滿室盤旋。耳于壁上。閒觀贊爲天魔妙舞。又微恨柳康不能自高聲價。偏矚此二村夫。而不留情於博士行。又自責吾何以業醫著此白衣襟。前繫此金鍊。轉不如來自田間。藍布爲袍。綫繩爲帶。吾能化身爲村人。與卡木二人同等。柳康必邀之入局。同跳一場。興高采烈。何幸如之。是時屋中櫃櫥皆震動。有聲燈亦明滅不定。忽然珠串斷綫。滴瀝下落。綠紗亦斜。鞞於肩。卡拉度之手足顫動。若不相聯。續直欲脫離。其身柳康亦嬌喘漸洪。四肢生惰。徑倚木雷蛇身上。若漆相黏。木雷蛇亦攬臂握之。極固恐其隨風化去。眼波互照。

眞箇銷魂。乃愛之恨之。轉曰。吾少頃掘汝母之私蓄。以小刀決汝之首。以火燒去此屋。俾此處都成灰燼。吾得雄貲。遁往科坂。牧馬養羊。以娛晚境。柳康並不之責。秋波盈盈。仍注於黑人之面。笑曰。科坂之風景佳乎。木雷蛇不答。跳至箱上。默坐移時。卡拉度曰。此其時矣。吾當往赴一約。有人期我也。柳康與之執手。而別。卡拉度出屋。耳干亦尾其後。恐其騎院長之馬以去。大雪如掌。隨風亂飛。大樹之枝柯。如人振臂。小樹垂頭。至地爲雪所壓。若使之磬折於泥中。上帝降此隆寒。摧殘植物。如受嚴刑。方立簷下。徘徊覓卡拉度騎馬。已至門側。蓋卽厩中克沙坎人所御之馬也。極其矮小。門外積雪一堆。幾沒馬腹。卡拉度大聲叱之。起小馬一躍而過。緩行良久。始不見卡拉度之影。耳干復行入屋。見柳康方曲其柳腰。自拾散珠。耳干擇桌下片席。以袍捲作枕藉。以偃息。念此女妖冶風騷蕩而易挑。設非木雷蛇作梗於旁。吾得一親薺澤。又恨散珠不在身側。如檢

拾至此。吾當猛親其吻。以試之。幻想未終。柳康已捧珠出屋。蠟炬將殘。因以火柴置身側。並備手槍。以自衛。燭盡。罍上原有油燈。光亮甚微。合眸冥想。若見柳康跳舞。仍在眼前。儻能天假之緣。如村夫之倚傍。亦他日之雪天美話也耳。中聞油燈炸裂。開眼視之。已滅矣。少頃似有一人走入。以爲非柳康。卽木雷蛇也。凝神諦視。不見其形。聞其聲息。木雷蛇方吸一煙。其氣刺鼻而棘。穎因問曰。此是何種煙葉。吾聞之頗難消受。木雷蛇曰。吾拌此煙。中有麥花參。合泡製有益衛生。木雷蛇並不就寢。原處吸煙。久之復行出屋耳。干因馬在外廐。不復成眠。坐而候之。約一鐘之久。牕外忽有燈影。伏而矚之。乃木雷蛇披褐戴冠。柳康手執車燈。於屋外經過。柳康低語曰。汝卽留宿。終宵何必出冒風雪。木雷蛇曰。不可。汝勿耽誤。我黃金之時間。柳康又柔聲妮之曰。吾知汝心矣。汝欲尋吾母殺之。又欲殺我。將往科坂另覓佳人。吾實視汝爲至寶。汝卽忍而爲此。吾亦甘心。

此時唯求汝勿行留此同宿木雷蛇曰不可吾不能不赴夜宴因同人有秘密要議柳康曰有何宴會漫天大雪何以成行木雷蛇乃鞠躬抱之耳語柳康目注耳干所居之屋笑曰彼傖想已酣眠木雷蛇又撲而親其吻乃去耳干聞之驚甚方於黑中捫得手槍奪門欲出不料柳康走入以燈置壁間復闔其門加以屈戍耳干曰勿闔此門柳康不應以身障之轉問曰不闔何爲耳干曰吾欲出柳康曰汝出何爲耳干曰汝疑我醉耶吾將出而視吾馬柳康姿態呈露眉目傳意反挑之曰汝何必視馬汝視我足矣言時以纖手弄耳干襟前之金鍊耳干曰不可吾不出彼黑將乘吾馬遁矣語時聲極高亢又以手作欲推之意柳康笑靨含羞毫無驚怖並不挪移分寸耳干盛怒大嚷曰此時必已控吾馬出厩矣因以手力撥其香肩柳康並無忤色但以手自衛其肩曰彼必不去彼卽去汝何必與之俱去汝去吾更寂寞難堪耳干聞此情語覩此嬌容不覺心

動一親其檀口親訖復商之曰汝勿阻我當親吻時柳康不之拒至此仍憨笑不答耳干曰吾聞汝言知與木雷蛇極相愛柳康曰彼言將與我絕至於我心中眞實爲愛爲憎誰其知之語時手仍弄其金鍊愛不忍釋乃曰以此給我耳干慨然卽從襟前解下奉之旣入柳康之手柳康仰面若有所思頓露冷澹落寞之色略欹其身耳干乘此不備以爲極巧之機會拔關奪門而出奔至院中但聞豬呻於柵牛觸於欄以火柴擦而照之一犬如飛而至再視厩中之馬已不可得轉面大叫狂奔逐之跌入雪堆犬又疑爲賊盜來嚙其足幸得躍起出門引領唯有大風大雪不減來時積雪千形萬狀無奇不備頗有神似白馬者上坐一白衣女子橫空有雁一群方仰視間犬又大集怒無可洩因以手槍擊之犬善躲避並未彈著奇寒入骨怏怏復入屋門見一人影不知爲誰擦一火柴尋至廚下穿過廚下見有小屋壁上挂有裙裳不透空氣蘊有一種茴香臭

味有空榻。一知爲女店主所居。今在雷坪。故無人也。再出尋覓。傍所居之屋後。乃有連闔大膽。直入見柳康。玉體橫陳。裹以薄被。藉以皮褥。壁上嵌有石像。旁掛一燈。耳干見之。不知是怒。是愛。似乎肌膚相親。聊贖盜馬同謀之罪。義不容辭。因向之問馬何在。柳康不答。佯爲睡熟。亦不轉動。耳干乃力拽其被。大聲威之曰。吾馬何之。唯汝同盜。柳康防被爲所拽。無以自蔽。就勢跳下。一手掩其襯衣。一手執被之角。若長跽而哀求者。耳干以爲獸已就網。一鞠而服。馬不可得。然後可以唯我欲爲。乃曰。速言吾馬之所在。不然。吾卽立斃。汝柳康眉目間。忽露怒色。顫聲逐之曰。汝何物。敢踐吾闔。速出。勿留耳干恃力徑執其襯衣之領。勁猛綫斷。縫裂。酥胸豁露。耳干釋手。方欲抱而親之。柳康大怒。向耳干迎面一掌。接連又加一拳。乃在太陽穴上。耳干眼昏頭暈。耳中雷鳴。不能直立。柳康就勢一下。乃闔其戶。身已在雪地矣。匍伏移時。乃扶牆入所居之屋。仰臥地板之。

上。自。調。呼。吸。畢。竟。醫。門。善。於。已。疾。數。分。鐘。後。神。智。復。清。起。坐。自。擦。火。柴。心。緒。如。焚。擦。之。不。已。篋。中。已。空。天。明。雞。唱。頭。涔。涔。不。能。植。耳。中。轟。然。若。火。車。之。過。鐵。橋。勉。強。取。衣。帽。及。所。購。藥。品。及。物。事。原。與。鞍。韉。並。置。一。處。至。此。皆。不。翼。而。飛。豈。所。見。之。人。影。竊。去。耶。抑。木。雷。蛇。行。時。已。失。却。耶。乃。衣。冠。而。出。於。鑪。側。得。一。火。杖。以。備。出。門。時。逐。犬。既。出。大。門。雪。止。天。晴。寒。禽。亂。噪。且。行。且。自。躊。躇。院。長。若。問。以。所。假。之。馬。及。所。購。之。物。究。以。何。語。唐。塞。無。如。旋。想。旋。忘。所。思。仍。專。注。於。柳。康。何。以。甘。居。下。流。與。二。村。夫。相。暱。猶。憶。手。掌。未。批。時。被。忽。墜。地。折。腰。拾。之。髮。垂。垂。幾。盤。於。地。何。以。堂。堂。醫。士。不。及。一。村。夫。充。吾。伎。倆。能。變。一。商。賈。能。改。一。書。記。卒。不。能。如。村。夫。之。自。由。不。獨。村。夫。世。界。之。飛。禽。走。獸。均。不。倚。人。生。活。何。等。自。由。不。知。最。初。誰。創。此。例。黎。明。當。興。當。午。而。食。昏。夜。方。寢。彼。亦。習。醫。何。以。爲。一。院。之。長。我。何。以。僅。充。副。手。舉。世。惡。習。不。許。多。妻。男。子。每。以。不。二。色。爲。名。貴。據。我。偏。見。將。一。



反。而。行。之。卽。如。此。次。失。敗。如。晝。寢。夜。飯。何。至。有。投。宿。之。事。彼。木。雷。姹。騎。院。長。之。馬。儼。然。爲。馬。之。主。人。此。等。胸。襟。何。其。豁。大。想。入。非。非。不。覺。以。短。火。杖。擲。之。雪。中。倚。樹。瞑。目。萬。念。灰。冷。終。此。生。寧。有。蔗。境。逢。甘。之。望。計。年。計。月。薪。水。不。能。加。多。買。藥。賣。藥。日。日。如。刻。板。之。文。字。生。趣。何。存。是。知。殺。人。放。火。作。奸。犯。科。彼。津。津。然。以。爲。罪。過。者。必。不。知。野。蠻。自。由。之。可。貴。可。知。爲。乞。丐。者。必。不。爲。盜。賊。之。良。人。也。吾。爲。醫。副。以。終。故。卡。拉。度。木。雷。姹。不。肯。引。爲。同。調。設。有。機。會。則。如。花。美。眷。又。何。止。一。柳。康。也。歸。到。醫。院。幸。院。長。仁。慈。以。爲。无。妄。之。災。引。以。自。規。並。未。苛。責。耳。干。問。以。曾。否。中。酒。耳。干。始。終。亦。不。知。因。醉。誤。事。嘆。老。嗟。貧。日。益。不。檢。院。長。微。覺。其。疏。屏。之。不。用。獨。居。雷。坪。閒。居。無。俚。去。雪。夜。被。賊。事。已。三。易。寒。暑。一。夕。爲。耶。穌。復。生。節。從。家。中。出。而。散。步。陽。春。芳。野。惠。風。送。暖。星。月。生。輝。因。念。構。造。天。地。者。其。神。力。無。窮。特。限。制。世。人。殊。欠。平。允。種。種。分。別。有。所。謂。醉。漢。醒。漢。有。所。謂。閒。人。勞。人。何。

以終朝勞苦至夜幾無宿處何以終日醉飽獨有揮霍不耗之財何以游手如予竟至無衣無食蒼蒼者誰主宰是每欲呼天一問彼飛鳥閒閒一無所事一飲一啄並不啼飢異想天開忽然高望火光燭天涉想愈奇財幣儻來之物何以必分人我昨日有寄頓我處以酒甕者吾竟剖封而斟酌之何以於私德有礙正於此時兩車過前一女臥睡車中負載頗重又一車老嫗當轅耳干乃殷勤問之曰不知誰家失火御者應之曰斜累考僕之旅店焚矣耳干頓足驚詫信以爲真意謂木雷姤實踐前言已殺柳康之母女劫財焚屋也咄咄稱奇自尋歸路但聞酒市喧騰酒人雲集自捫空囊恨不得強得一尊作一不速之客或坐中有妓比柳康尤爲豔絕何樂如之

鐵螺旋審判

一問官訊一村夫村夫昂首對簿身體短悍著一柳條布衫髭亂如草眉毛濃

厚一經。縹。蹙。目。露。凶。光。望。而。知。其。狡。猾。問。官。呼。其。名。曰。登。非。汝。近。前。吾。問。汝。七。月。七。號。意。曼。喀。洛。耳。夫。巡。查。鐵。道。在。一。百。四。十。阿。斯。替。見。汝。偷。竊。螺。螯。旋。於。汝。身。搜。得。之。執。汝。付。官。其。事。皆。誣。裁。乎。登。非。曰。噫。異。哉。問。官。曰。意。曼。喀。洛。耳。夫。所。告。汝。者。其。事。已。實。乎。登。非。曰。不。謬。彼。所。告。甚。是。問。官。曰。汝。取。此。螺。旋。是。何。宗。旨。登。非。曰。何。謂。宗。旨。問。官。曰。汝。勿。貌。爲。癡。愚。吾。質。汝。因。何。用。而。竊。此。登。非。仰。觀。屋。頂。隨。便。答。之。曰。假。如。無。益。吾。何。爲。取。之。問。官。曰。有。何。用。處。曰。有。何。用。處。吾。等。以。之。作。釣。魚。墜。問。官。曰。汝。自。一。人。何。以。稱。我。等。此。等。字。何。所。指。曰。吾。等。者。蓋。指。吾。喀。黎。卯。孚。一。村。之。人。也。問。官。曰。毋。爲。僕。語。不。必。牽。累。多。人。吾。亦。不。暇。與。汝。研。究。垂。綸。登。非。曰。吾。平。生。不。作。僂。語。假。如。垂。綸。於。河。無。墜。子。何。能。得。魚。官。長。明。察。秋。毫。準。情。度。理。釣。者。恆。取。乾。鱒。爲。餌。乾。鱒。力。弱。浮。在。水。面。如。欲。其。沈。入。河。腹。無。此。鐵。螺。螯。旋。可。乎。官。長。必。謂。我。僂。其。實。我。有。經。驗。投。餌。泛。浮。經。風。游。漾。唯。一。種。蝦。

虎魚爲嘎魚之類。或者貪食吞鉤。他如巴斯魚排克魚。意如魚性喜深潛。非香餌下。縊不可。且蝦虎魚最不易釣。近處長河。此種蝦虎魚絕少。問官曰。汝引證多魚。何爲吾訊汝。意不在此。曰。何哉。官長不因釣魚。意又何在。吾村人莫不知釣魚。須餌。下餌不可無墜。雖三尺童子皆解爲之。如欲擅作聰明。謂下餌不用墜。卽是門外漢。且其人必甚癡愚。問官曰。汝意殆謂取螺旋專用作釣絲之墜耳。曰。非然者。吾何必反覆詳明。求官長垂鑒。問官曰。釣餌用墜。不過取其重力。爛銅破鐵鉛子彈丸。皆可備用。何必取此。曰。不然。官長可謂知其一。不知其二。所說之銅鐵鉛彈。安能俯拾卽是。求之於市。又得費錢。且不適用。吾以爲螺旋之美。更無軼乎其上者。因螺旋天然有穿絆之釣絲。貫之釣竿。無一不可。問官曰。汝眞黠物。居心僞飾。爲椎魯如初。履人世者。其實汝以詐愚人。以爲欺。以其方。或可開脫。今爲汝喚醒靈魂。須知此事之結果。甚惡儻鐵道巡查。不知螺旋。

爲汝偷去火車來時。一旦出軌。全車之性命休矣。此不獨妨害公安之罪。比之殺人爲尤酷。登非曰。官長奈何出此語。吾何嘗有犯罪之時。吾並非邪教狂徒。從來服上帝之教者。不善殺人。至於我並思想亦無之。籲我上帝呼我聖母。速降法庭保護。教下之弟子。官長聖明何以輕發此不檢之語。語時貌視問官。若不屑加以顧望者。久之始曰。吾村人取螺螄旋者。歷年既多。並未聞有出軌翻車之事。吾如撤去一鐵條。加入一木橛。或者生出危險區區。一螺旋又何足以輕重。曰。汝自以爲無傷。須知螺旋者。所以聯絡鐵軌。失却螺旋。則散而不貫。其險非常。登非曰。吾等亦慮及此。所以不全行拔去。所留以保險者。殆不可以數計。說罷呵欠有聲。若不勝其勞倦。問官曰。去年曾有一車無故出軌。登非曰。何哉。官長作何語。曰。吾思無故出軌。今已恍然於出軌之原因。登非曰。既爲官長。未有不聖明者。已往未來。如明鏡不疲於照。無如彼巡查意。曼喀洛耳。夫乃一。

蠹物彼於執我時竟公然扼我之衣領吾爲無罪之人必須和平對待斟酌情形然後下手彼蠹物擅以強暴加人官長可命書記寫入吾供彼曾一批吾左頰彼曾一擊吾前胸問官置之不答但曰在汝家又搜出一螺旋取自何處得自何時登非曰官長所說之螺旋殆從吾家小紅箱內搜出耶曰吾不暇答此但得自汝家汝速言在何處偷得登非曰如爲小紅箱內所收者非我所自拔乃伊那康所贈官長知伊那康爲誰乎彼乃撒門之長子官長但知有此一旋不知吾院中撬雪車上還有一旋吾隨鬱脫卡同時得之問官曰汝所言之鬱脫卡何姓曰彼爲鬱脫卡培考福官長識其人乎彼專治魚罾魚網以售人每一具須用鐵螺旋十二枚問官曰汝勿夢夢吾亦不欲聞此夢囈按法律第一千零八十一條不論何等人如於鐵道有心毀壞者使車行有險重罰汝解吾語乎吾料汝不應不解汝旣毀壞鐵軌罪當流極邊充當苦役登非曰官長自

然能解釋法律比吾等村人應高百倍吾等愚蠢爲流爲遣一概不得知問官曰吾知汝僞作不知汝眞妄人也登非曰吾非妄人不善作僞吾生來誠愿官長不信可向我村中釣徒切實傳詢吾言河中之蝦虎魚絕少並非妄語問官曰汝奈何又說及魚登非曰吾所以言者指設餌無墜蝦虎魚之外尙有一種潑雌魚可以浮餌釣之然亦希有之事問官以手阻止之使不得煩言登非一足翹一足立兩足互相更換目注公案之綠色布圍若在日光中作欲眩之狀問官伏案批判良久對之曰吾將納汝於獄登非如暝忽揚眉展視曰官長何作此戲語吾正無暇卽日當入市收三魯布之債於葛雷克威彼欠我豬油值問官曰汝勿相攬登非曰使吾入獄未爲不可如有正當之理由吾當欣然請往自信安分守己未有罪愆旣未搶劫人物又未毆人成傷或因吾家之租稅未完耶官長千萬公斷幸勿偏聽田峻之語試質之本村紳富無不以田盜呼

之。問。官。曰。毋。得。亂。說。登。非。曰。不。許。我。發。言。亦。可。須。容。我。發。誓。田。峻。絕。非。好。官。蠹。國。蝕。民。許。多。暴。政。吾。家。兄。弟。三。人。長。曰。苦。馬。次。曰。谷。力。戈。我。爲。之。季。問。官。曰。誰。與。叙。家。常。耶。撒。恩。來。將。此。人。執。下。至。此。堂。上。一。呼。則。有。二。丁。左。右。執。其。手。挽。之。欲。出。登。非。曰。冤。哉。吾。家。兄。弟。三。人。並。未。析。居。完。納。租。稅。權。不。在。我。官。長。應。拘。苦。馬。到。案。使。之。交。納。與。我。曾。不。相。涉。又。對。二。丁。曰。汝。等。必。視。汝。官。行。事。不。知。彼。心。地。餽。塗。借。刀。殺。人。故。入。人。罪。如。吾。鄉。空。里。甫。老。將。軍。至。今。健。在。必。須。有。法。教。導。汝。官。使。之。平。心。折。獄。不。肯。爲。虎。作。倂。襲。用。蠻。酷。之。法。律。魚。肉。善。良。問。官。無。可。如。何。但。舉。手。揮。之。使。出。而。腦。紋。大。亂。已。爲。此。村。人。所。苦。矣。

乞人

一。乞。兒。向。律。師。士。克。騷。普。哀。告。曰。先。生。幸。垂。憫。窮。途。我。已。三。日。不。食。餓。成。乾。癯。飢。腸。雷。鳴。乞。賜。涓。滴。一。身。子。然。並。五。考。卑。克。投。宿。之。資。亦。不。可。得。吾。從。前。爲。村。



叮。勸。教。任。課。八。年。之。久。忽。爲。之。謀。奪。吾。席。謗。我。腹。空。學。餒。故。致。失。職。賦。閒。於。今。一。年。益。無。聊。賴。竟。落。乞。食。隊。中。言。之。酸。楚。律。師。見。其。衣。褲。破。穿。面。有。菜。色。然。兩。顴。之。上。猶。有。中。酒。之。意。且。面。龐。似。曾。相。識。特。一。時。難。於。追。憶。乞。兒。又。曰。友。人。已。爲。我。謀。得。一。事。遠。在。康。魯。加。我。無。盤。纏。故。坐。困。於。此。先。生。能。格。外。垂。青。俾。涸。轍。之。魚。得。生。於。津。沫。實。拜。厚。賜。自。恨。拙。於。言。詞。非。老。於。行。乞。者。實。逼。處。此。無。可。奈。何。律。師。視。其。屢。一。新。一。舊。底。高。低。不。均。忽。然。觸。發。已。識。其。人。斥。之。曰。吾。前。日。在。沙。瓦。雅。街。不。已。見。汝。耶。據。前。日。所。言。汝。爲。一。高。等。學。生。無。過。被。革。乞。資。斧。歸。家。言。猶。在。耳。何。以。改。作。此。語。乞。兒。語。塞。忸。怩。久。之。支。吾。其。辭。曰。不。能。不。能。我。爲。教。習。自。有。憑。證。文。件。何。敢。冒。充。律。師。曰。不。能。前。日。言。爲。學。生。校。長。因。私。憤。斥。汝。律。師。說。罷。面。有。怒。色。不。欲。其。近。前。切。責。之。曰。汝。習。於。詐。欺。取。財。吾。當。鳴。警。以。逮。汝。人。卽。貧。餓。而。死。不。應。妄。語。乞。兒。方。立。在。一。家。之。門。首。跼。躄。若。不。能。自。容。如。盜。賊。

之見真臟不可狡辯然強顏曰先生不信吾尙有歷年之聘書爲證律師曰汝自以爲得計其實爲無恥之尤汝以爲學生教習最爲社會所敬重揣摩心理造此謔言如直信而不疑則凡爲乞丐者又得引學生教習爲口實似此貽人羣以污點罪不容誅律師本熱心救世博濟爲懷今見此謊語乞憐不覺一片熱腸如經冰雪憤時嫉俗轉不禁怒爲之張乞兒其初不承見律師義正辭嚴不得不垂頭喪氣自捫其心曰誠哉妄語所以藉重教員與學生者冀得悅途人之耳動行路之心也吾本不學無術自小唯恃一卷聖歌以餬吾口偶因嗜酒遂失憑依此業本卑如果據實語人誰肯有所傾助藉此影射非不知私德自虧特餓死事大亦不得已之苦衷先生所教自是天經地義自念途窮日暮倒行逆施不得不出此下策律師念其羞惡之心尙未滅絕乃曰汝有何能如此年華不思自食其力豈遂以行乞終身耶乞兒曰吾非不欲事事又誰肯

雇我者律師曰汝年方盛如肯爲工豈無雇主大約汝之身懶口饞且貪杯酌試嗅汝身襟上之酒香四溢自暴自棄唯酒是耽專肆謊言得錢謀醉汝須痛自振刷努力爲人何事不可以遷就或公事房爲人抄寫或打球房爲人典籌不論何役皆可贍汝一身何必專習誑騙汝稍習學手技入一工場則謀生較易吾視汝非不能力役習慣性成游手好閒思以詐欺覓食可以不勞而獲汝之人格太卑乞兒俯首自咎猶飾說曰先生責備甚是吾因不精手技故致行乞至於公事房打球房固不須習學誰肯薦我又誰肯納我爲今之計除非爲人腳力擔荷謀生吾自謂可以勝任苦無須用之人律師曰吾獨不信汝自懶惰誘過於人汝如能析薪吾卽肯用汝乞兒曰先生如使爲廚下析薪則可若入山採樵沿途求售吾並一斧亦無可假也律師曰大凡無業游民皆有如此說辭行丐三年萬金不換汝且偕吾行吾使汝斧薪汝其願乎曰吾能斧薪律

師曰善哉汝隨我來自。有處分。律師引至其家。至廚下。喚其廚孃曰。渥善加。將此人領至積薪處。使彼析之。乞兒見律師。竟實踐其言。聳肩色駭。手足幾無所措。不得已。隨廚孃以去。當時若有明眼人。察此乞兒之神色。始知其十分懊喪。並非不脛實在。不能但大言已出於口。萬無反悔之餘地。執斧劈木。腕力弱者。不能爲乞兒飲酒代食腸胃。久傷何堪。任此苦役。律師傳話後。卽登樓上。由牕中下瞰。見廚孃與乞兒已至積薪之屋。渥善加色似不怡。推開屋門。遠聞其聲。律師謂渥善加必甚憚煩。或者方爲我製加非嫌其耽悞時間。故洩此無名之怒耶。此嫗性情亦太驕蹇。再觀此學生教員之乞兒。坐一木墩上。以手按其腦。若有所沈吟。廚孃從屋中取出一斧。擲之。乞人足下。遠望其脣動。似爲譏諛之語。乞兒抱薪木以兩腋夾之。木不受夾。復倒臥於地。乞兒又扶之起。立想其手。瘦指凍天氣。嚴寒見其頻頻以口呵之。又夾之。斧之若恐其汚履刺褲。斧下木。

仍不割且復臥地。律師至此怒氣已平。轉起一種惻隱之心。意謂此亦人子也。衣單天冷或在病中。以此役任之。近於戲侮。貧人未免有愧對之意。繼念使之。斧薪究非惡意。亦遂聽之。走入書室。約數分鐘。渥菩加來報曰。薪已析矣。律師曰。善哉。可犒以半魯布。彼如願常來。吾絕不靳。或者可以畀以他役。其後乞兒果於月之一號。又來析薪。又得半魯布而去。乞兒力弱無奈。薪何居然得值。且日來皆有所役。或爲除雪。或爲滌地。氈牕幕之塵。或爲洗鋪席坐墊之垢。所給無定額。大約或二十考卑克。至四十考卑克爲多。亦有時贈以舊衣舊褲。忽一日。律師移家。自雇車人搬運什物。律師覺乞兒氣質已更。並無酒氣。且無妄語。自以爲薄德感人。至有奇效。因其誠謹。委以幫同照拂。移居事務。其實手無所攜。肩無所荷。不過垂頭垂手。隨車往還。時方隆冬。身寒縮瑟。車人頗笑其無能。衆亦和之。彼亦甘於忍受。家已移定。乞兒何敢居功。律師謂其不矜。大加賞識。

呼之近前贊其年富力強予以一魯布以酬照料之勞且嘉其戒酒并叩其姓名乞兒曰吾名鹿思考伏律師曰鹿思考伏汝本佳人心地明白吾當爲換一佳境汝能握斧析薪亦能握筆作書乎鹿思考伏曰吾能作書律師曰俟吾明日付汝一函以達吾友必能量才器使予以相當之位置汝勿負予之期望好自爲之勿懶勿飲酒勿忘前恥勉旃明日律師果作一薦牘自鳴得意教一人納於正軌愉快於中臨行既拍其肩且授手使之握別鹿思考伏得薦書後蹤跡遂疏約二年之久律師就劇園售票處小立忽見櫃側一人狀極謹飭衣雖不貴而整齊潔淨亦於稠人中以錢購票係四等旁坐只須數十考卑克價值極賤細詳其面問曰汝耶鹿思考伏耶別後景況何如近在何處鹿思考伏曰近充書記兼司會計月得三十五魯布律師曰善哉敬謝上帝吾聞之甚樂吾直自比於汝之義父規汝以正汝尙記彼此塗遇時耶至今思之情形

如見鹿。思考伏曰。甚感。甚感。設不遇先生。壽張爲幻。今日學生。明日教員。至今日已填溝壑。吾幸不下墮於陷阱。先生之力也。律師曰。汝眞有心人也。吾甚愛之。鹿思考伏曰。感何可言。先生之教言。固可感佩。然吾所沒齒不忘。廚孃。渥善加也。此人純善。天必佑之。先生之德。吾固感之。不朽至論。其實力則當歸美於廚孃。律師曰。此言吾所不解。彼並無所匡救。鹿思考伏曰。先生不知我始終。未能析薪。渥善加憐我孤貧。又知其百無一能。流涕滿膺。悲來無端。且泣且教。我曰。汝爲此世界人。不能得樂。模糊而死。卽再世爲人。又生其他之世界。汝亦有苦而無樂。因汝自墮於火坑。地獄日以飲酒爲生涯。不獨初見。偶然時時如此。我見其爲我心痛。爲我涕流。吾始誓不復飲。所最可感者。薪木皆代我斧之。先生那得知之。吾本不敢言。恐渥善加之一片婆心。不傳於長者之前。似此委曲。矜全故吾之感。老姥尤勝於感。先生吾當時莫明其故。但見彼慈祥之面。納諫。

如流。至於今。清夜捫心。念老姥爲我任勞。我乃有革面洗心之一日。此恩此德之死。弗諼言。罷淚隨聲下。而劇場中鈴聲忽動。已開幕矣。鹿思考伏深深。磬折乃別。律師士克騷普入而觀劇矣。

### 惡客

有一矮屋爲看守森林者所築。中有二人。一卽屋主亞兌穆也。身極短小。面多縐紋。鬚久不治。頷下鬚鬢同坐者。乃一年少獵人。身度極高。著一新袍。足著大鞞。時已初夜。門外風雷迅烈。正作雨來之意。小牕之玻瓈已破。以紙補之。落葉敲之。簌簌有聲。亞兌穆乃語獵人曰。吾居此間。不畏虎狼。不畏鬼魔。因有手槍。恃以無恐。唯一種突如其來之惡客。我獨無法以禦之。獵人曰。槍傷一野獸。不但無禍。且可生財。若擅自擊死一賊。縱不論抵且充。向西比里亞矣。亞兌穆曰。吾守此三十年。所遇惡客。十日言之不能盡。四無居人。而此屋門臨大道。南來。



北。往。天。降。雨。雪。過。路。之。人。無。奇。不。有。有。時。光。顧。敝。廬。直。入。並。不。摘。帽。爲。禮。且。自。謂。腹。餒。向。我。強。索。飲。食。汝。試。思。維。我。從。何。處。備。辦。以。應。倉。猝。之。請。彼。既。與。我。無。素。得。屋。自。庇。亦。屬。高。義。以。何。權。力。而。責。我。供。應。吾。安。得。仁。漿。義。粟。普。濟。行。人。來。者。不。拒。乎。然。不。敢。不。以。焙。餽。餉。之。來。客。無。不。奇。餒。疑。我。重。聽。提。吾。耳。大。呼。不。已。獐。目。相。視。飢。來。驅。吾。不。能。與。此。輩。禽。獸。相。撲。無。可。如。何。只。得。應。其。所。求。更。有。奇。者。或。向。我。借。貸。吾。只。得。婉。言。謝。之。一。日。有。力。大。如。虎。者。直。向。我。強。索。矣。其。人。之。肩。寬。有。一。碼。握。拳。示。勇。如。汝。之。大。鞞。汝。試。觀。我。雞。肋。可。以。抵。抗。而。支。吾。乎。汝。如。創。我。一。指。之。力。足。以。仆。我。而。有。餘。凡。遇。惡。客。得。焙。餽。飽。啖。之。後。在。吾。前。高。談。雄。辯。蠻。橫。自。矜。臨。行。並。不。言。謝。此。不。過。疏。於。禮。貌。甚。至。久。住。不。去。耗。吾。食。料。非。以。貲。遣。之。不。可。汝。知。我。者。那。有。餘。錢。恣。我。揮。霍。獵。人。笑。曰。汝。守。此。森。林。每。月。獨。無。俸。給。乎。汝。於。月。俸。之。外。尙。可。以。偷。賣。林。木。充。塞。己。囊。亞。兌。穆。聞。之。目。含。驚。恐。之。

色。以爲惡客。又至向己。必有所索。下鬚動。搖如喜鵲。擺弄其尾。戰慄而言曰。吾觀汝如此。英年不應對我。作此語。此語若爲上帝所聞。獲罪不淺。汝究爲何許人。適從何處來。獵人曰。吾名尼撒德。適從維耶福康來。亞兌穆曰。由維耶福康來耶。攜槍將以獵獸。吾少時亦頗好獵。今見之。猶覺技癢。言下吁嗟久之。乃曰。吾觀近人善類甚少。直是強梁。世界尼撒德曰。察汝言色。頗似怖我。亞兌穆曰。不敢有疑於良善。汝來時鞠躬脫帽。頗有禮法。斷非暴客。何畏之有。汝如須食。吾亦不靳。吾爲老鰥。罇中久不生火。不能備羹湯。唯焙饑尙足於用。兩人談時。聞坐下暗鳴。亞兌穆失色。兩目專注於獵人。獵人曰。勿駭。此吾之獵犬也。欺汝之貓。又低頭戒其犬曰。勿爾。汝如肆虐。吾必鞭汝。又向亞兌穆曰。先生之貓。何其瘦也。唯皮與骨相附。何以不見其肉。亞兌穆曰。此貓老矣。已屆彼應死之年。獵人曰。汝不餵養。故骨瘦如柴。彼亦一生命。奈何餓之至此。亞兌穆曰。汝適言。

從維耶福康來彼處不是樂土。雖教堂重地。歲必被搶。兩次信有是乎。卽不畏人。何至並上帝亦不畏。從前官府盡法捕逮。以梟其首。獵人曰。梟首雖多。盜風並不少息。彼處久滋爲澤。藪刑罰雖酷。終不易於肅清。亞兌穆曰。願聖母仁慈。從此等惡魔手中救出吾輩。懦夫上一禮拜在白老危砦。有一看守枯草人。與一人相搏。鬪一拳。正當其心房。其人立死。此看草人正自得意。忽遇一樵人。飲酒方醉。猝然相值。素無仇怨。忽以一斧當頭。看草人已腦門中關倒地不起。獵人尼撒德聽至此。忽傾其耳。似聞外間有聲。因止亞兌穆勿言。凝神共聽。聽外但聞風聲。雨聲。樹木搖動。雷電忽來。似有一巨掌搗破牕紙。乃聞一極清晰之呼救聲。亞兌穆慘然低語曰。適言盜賊盜賊至矣。此必殺人行劫。被劫者正在危急時也。安得上帝降陟於此。佑此被劫之人。獵人見亞兌穆面已發白。就破牕外望。天黑如漆。一無所見。雨中行劫。又值中宵。此呼救之聲。並不甚遠。言時。

再。視。亞。兌。穆。如。痺。如。癱。蹲。如。一。團。直。如。死。在。目。前。全。身。收。縮。匿。於。偶。像。之。座。下。  
哭。聲。哀。告。曰。君。請。將。門。上。屈。戍。插。牢。將。燈。吹。滅。獵。人。問。以。何。意。亞。兌。穆。曰。此。盜。  
得。手。之。後。必。來。此。間。騷。擾。獵。人。曰。吾。以。爲。不。可。吾。方。欲。出。而。救。之。且。邀。汝。同。往。  
干。涉。語。時。以。帽。戴。上。整。理。手。槍。匆。匆。欲。行。促。之。曰。汝。速。著。袍。並。携。手。槍。又。呼。犬。  
曰。福。來。加。福。來。加。速。行。犬。一。聞。呼。從。坐。下。躍。出。犬。耳。極。長。首。尾。動。搖。直。繞。獵。人。  
之。足。下。又。促。亞。兌。穆。曰。速。起。立。同。往。亞。兌。穆。顫。聲。問。以。何。往。獵。人。曰。往。救。落。難。  
人。汝。不。聞。聲。乎。亞。兌。穆。身。已。如。鑄。於。地。堅。不。可。起。睜。睛。兩。目。猶。問。以。須。我。何。爲。  
試。聽。此。聲。必。有。奇。險。萬。不。可。自。投。網。羅。獵。人。不。聽。仍。堅。請。同。行。亞。兌。穆。曰。吾。聞。  
聲。膽。碎。夜。深。不。敢。入。林。彼。中。伏。莽。多。於。鬼。狐。獵。人。曰。此。不。足。畏。汝。不。有。槍。乎。一。  
人。寂。寞。又。不。識。路。故。煩。君。同。行。聽。之。聽。之。呼。聲。又。作。矣。亞。兌。穆。曰。汝。真。孺。子。頗。  
似。初。生。之。犢。何。苦。牽。率。老。夫。以。入。此。虎。口。耶。獵。人。曰。汝。奈。何。不。往。犬。聞。外。間。呼。

聲逼近直欲衝門而出獵人又大聲努日期以必偕亞兌穆蹙眉振齒曰汝勿糾纏汝欲往汝可獨往獵人乃直指其面詈之曰汝涼血之動物也吾不能以人目汝矣福來加我等速行說畢出門並不爲之反掩風雨撲入燈光搖動一閃而滅亞兌穆見獵人既去扶持而立略望門外藉電掣之光見雨注如河門方嚴閉雷聲又起自語曰上天示怒至於如此令人膽寒黑中摸至臥榻橫陳其上覆以敝袍枕上諦聽人聲已停唯雷聲如連珠不斷大雨傾盆牕紙盡破自念如此大雨彼獵人必灌頂醍醐周身如沐身寒起栗齒上下相擊不已約十分鐘戶外鞞聲橐橐剝啄有聲亞兌穆問爲誰何獵人對以尼撒德且囑其速開亞兌穆乃起以手摸得火鏞復燃其燈然後開門獵人獵犬同入無不帶水淋漓穿行林木之中灌溉最易非解衣烘焙不易回春屋中無火不如不脫自以體中之熱氣溫之亞兌穆問以究竟何事獵人曰一女子坐車御人不慎

鞭入溝中。女子身已近水。御人獨力不能復拽出。溝納之軌道凍極。舌僵。故不覺聽者生疑。亞兌穆曰：此御人昏瞶之至。如此雨夜。使女子嘗此苦惱。罪尤不道。汝曾助之扶輪。仍舊上道乎？獵人曰：汝問吾不答。汝驢膽無丈夫氣。吾不屑與語也。言時始去其帽。手撫其溼髮曰：吾如爲汝之雇主。知汝如此膽怯。斷不以看守林木之役相煩。徒耗月俸。聞此聲而不出。則夜中斧斤入林。擇良材載大車。汝亦祇得聽之。亞兌穆無可致辯。但覺口中啣膿。有聲無字。獵人默然久之。和衣就坐。具臥下。亞兌穆乃起而復滅其燈。獵人聞外間雷聲未息。反覆不能成寐。乃自語曰：彼如此驚怖。儻彼女子爲盜所劫。亦祇聽其就死。失於救應。問心何安。如此年高德劭。服基督教徒。奈何以猪自待。祇知食糞擦癢。亞兌穆亦未成睡。但聞吁嗟。犬亦不睡。就屋來回跳躍抖擻其毛。獵人知其未寢。仍問之曰：汝今知外間有婦孺被一犬所噬。汝亦置之不問。不能開門一加呵斥。上

帝所畀汝之心腹肝膽固如是耶亞兌穆始終不答風已息雷已漸遠唯雨尙未止獵人又質之曰假如呼救者卽爲汝易地以思人不救汝汝亦甘心乎汝之存心卑鄙使我怒欲發狂至此亞兌穆仍無答詞獵人乃設法以逼之曰吾觀汝如此畏人吾乃窺見隱微矣汝必有錢癖此中必富有積蓄汝如一貧如洗斷不至畏首畏尾至此亞兌穆乃曰汝何以奇想天開愈說愈遠吾並一便士亦不可得獵人曰汝勿欺人作此虛語大凡世人有錢則無膽汝如空無所有何以怖人吾今日須爲汝破慳且爲汝植膽以警汝之將來決裂至此亞兌穆乃緩緩下榻將燈燃著蹲坐於偶像之旁面色灰敗目不他瞬直注獵人之面一語不發獵人曰善哉吾必劫汝之財以爲懲戒汝錢藏匿於何處速指出容我自取汝奈何不言汝身何以縮小汝舌何以不靈儻不實言吾使吾犬嗾汝獵犬一跳向前大有聽候發落之意又戟指以嚇之曰汝目光乃如鴟梟速

以藏鏹奉我。不然吾將強取。亞兌穆泣涕漣如哀之。曰我不敢作欺人語。上帝鑒視。汝不應問我錢之所在。吾有友人寄存之。十魯布以乞。莞納獵人戴帽執槍仰天大笑曰。如何如何。吾雖少年料事如神。汝果非貧人也。吾不取非分之財。亦不願視汝齷齪之狀。不復寄宿於此。福來加行矣。拔關徑出。惡客與惡犬一瞬。已不知何往。亞兌穆乃復閉門。舉手禱謝。安然而入睡鄉。

### 一 嚏致死

有一小官爲屈威樸。於一日晚間在劇園觀劇。坐列第二行。鼻架金鏡。瞻矚非常。自鳴得意。如升九霄。鼻中奇癢。如有小蟲於中。欲出不覺。目爲之閉。頭爲之仰。一彈指間。嚏乃發聲。頗覺暢適。塞極則嚏。誰不能免。鄉人嚏。警士亦嚏。議員嚏。於議院大臣嚏。於君前皆無明禁。此官獨於嚏時。滿面羞慚。以帕拭涕。訖引首四望。深恐驚動旁人。作爲笑柄。乃不望猶可。前一行坐一老者。頭已童矣。方



以帕拭其華顛。及其後，頽似有所言，不甚真切，略爲詳辨。識此老人，蓋將軍伯雷卡洛波也。自咎鼻嚏濺及貴人，縱非本管長官，須得向前道歉。意因輕咳一聲，平心下氣，近傍將軍之耳側曰：大人幸勿見罪，不幸一嚏實非成心。將軍曰：是亦何傷，毋須客氣。小官曰：千萬求大人勿怪，並非將軍不耐。璫瀆卽手示之，就坐曰：勿以爲意，且觀佳劇。正是演到妙處，小官窘迫不堪，目光雖似觀劇，心中總以冒犯虎威，惶愧不已。少頃閉幕，少休。見將軍正在散步，因又屏息至前，敬白曰：吾適者忽然一嚏，累大人受驚，自信出自無心，並非有意。將軍乃以手揮之曰：吾久忘却，何必屢瀆不休。屈威樸歸坐，全神仍在。伯雷卡洛波自念：彼自謂忘却，吾由其面色目光中揣度之，此老必且銜恨。吾當說明理由，嚏爲天然之發動，吾不說破，彼將謂我有心。唾彼何人，斯吾乃以垢沫飛著其首領，所冀彼一時誤會將來，心知其故，以爲事出無心，則吾始可以安枕戲闌歸家。

卽。以。此。事。告。之。內。助。並。引。以。自。咎。其。妻。初。亦。謂。其。孟。浪。及。知。其。人。並。非。專。管。之。上。司。遂。亦。不。以。爲。慮。且。爲。之。解。釋。曰。既。噎。之。後。汝。不。已。道。歉。耶。非。然。者。當。謂。汝。不。諳。社。會。之。禮。節。屈。威。樸。曰。吾。已。再。三。自。伏。但。此。老。深。情。厚。貌。終。不。說。出。吾。心。之。所。欲。言。此。亦。不。足。異。劇。園。中。無。暇。多。譚。明。日。理。髮。洗。面。更。換。制。服。清。晨。親。赴。將。軍。之。第。方。至。接。待。室。中。見。許。多。軍。官。正。圍。繞。左。右。啟。事。伯。雷。卡。洛。波。居。中。發。落。忽。一。舉。首。見。屈。威。樸。植。立。於。側。問。以。何。來。曰。昨。日。劇。園。一。噎。不。料。鼻。涕。之。餘。沫。污。及。大。人。伏。乞。大。人。勿。罪。將。軍。微。怒。曰。糊。塗。此。等。無。關。輕。重。之。事。當。吾。會。議。之。頃。乃。敢。瀆。陳。屈。威。樸。以。爲。言。非。其。時。立。候。公。餘。須。將。臆。見。聲。明。求。其。一。粲。爲。釋。嫌。之。明。證。將。軍。處。分。既。畢。轉。身。將。入。後。堂。屈。威。樸。乃。奔。逐。相。遮。又。申。前。說。曰。大。人。垂。聽。我。有。下。忱。深。恐。大。人。不。明。吾。噎。實。非。得。已。須。知。此。等。事。亦。屬。人。情。之。常。將。軍。至。此。以。爲。忤。己。以。手。指。之。曰。汝。將。戲。侮。武。夫。耶。言。罷。徑。去。屈。威。樸。始。終。

不。悟。歸。途。自。念。此。老。何。以。不。待。我。畢。其。詞。然。彼。雖。不。願。聞。吾。偏。冒。其。尊。嚴。使。之。明。白。吾。意。今。當。竭。一。夜。之。力。作。一。長。簡。反。覆。詳。明。以。紓。其。事。既。歸。冥。坐。搜。索。枯。腸。乃。文。思。艱。澀。竟。不。能。成。明。日。天。明。自。念。書。牘。往。還。不。如。直。捷。痛。快。當。面。發。揮。於。是。又。至。其。第。請。見。將。軍。及。覩。將。軍。之。面。見。其。嚴。猛。可。畏。不。似。前。日。之。和。藹。可。親。因。前。膝。而。言。曰。昨。日。本。來。謝。罪。並。非。敢。戲。侮。大。人。吾。不。過。辯。明。吾。噫。之。出。於。偶。然。至。於。戲。侮。之。說。吾。卽。夢。中。亦。有。所。不。敢。吾。方。謂。一。噫。開。罪。於。大。人。不。料。加。等。並。科。伯。雷。卡。洛。波。雖。年。老。和。平。至。此。按。壓。不。住。面。色。發。赤。怒。極。大。聲。曰。速。去。不。去。左。右。爲。我。標。之。大。門。外。此。聲。一。出。屈。威。撲。魂。已。出。舍。口。中。喃喃。猶。言。無。罪。左。右。乃。扶。之。出。且。戒。以。速。歸。屈。威。撲。似。聞。非。聞。心。昏。欲。倒。幸。能。識。路。踉。蹌。歸。家。目。中。金。星。亂。飛。入。門。卽。仆。努。力。匍。伏。攀。上。臥。牀。衣。未。及。脫。氣。已。奄。然。延。醫。視。之。謂。膽。已。驚。破。不。過。旦。夕。人。也。

## 亞若媿

憶予在的波卡閒居時終日所與盤桓唯沙瓦一人若問爲何許人不過的波卡一守圃耳蔬菜滿畦花香撲鼻皆傍溪流予坐釣必於其處予家居苦寂又嫌拘束往往自備乾餼以療吾飢又誅茆爲小屋以蔽風雨與沙瓦之守夜棚相對吾爲之樂而忘返質實言之釣魚尙非吾所嗜唯得與沙瓦結一譚交能破睡魔能引清興其人並不治畦但司守望年才二十有奇身體健碩眉目清俊人極聰明能書能讀頗具童心瓦德康只飲一杯若有節制如此美材如使之爲人傭工恐一考卑克亦無肯收納者彼非不通身靈活手腕輕捷然生而好逸兒時本有敝廬薄田十畝如努力耕耘頗能自給乃良田自荒其母生時已行乞於鄰近沙瓦如飛鳥翔空飲啄任運朝餐以後不知夕殮之有無見其母乞食非不抱痛於心無如習慣性成不能力作惡勞好逸斷送春華卽有時

發憤爲雄。烏伸是習。僅能取廢鐵寸許。向石上磨之。以自遣。或有時與村中女子競走。以爲樂。然其最得意者。莫如深坐。彼有特別之伎。倆能堅坐數句鐘。不移。睫。矚。目光。專注。不瞬。有如坐化。有如尸居。所有動機。或戲逐其犬。自後捉其尾。或婦女經過。其前輕躡。其後一躍。以抽其蒙首之輕綃。以博回眸之一笑。再有進者。則從溪之左岸跳至右岸。復由右岸跳至左岸。一二次而止。不治生產。一貧如洗。漸成流氓。房田雖屬他人。債如林立。鄉長勸以灌園。彼謂不能勝任。因擇看守菜園之役。畀之。此役爲老人所宜。雖草人亦可替代。故以之。相煩。因材器使。鄉長頗具苦心。村人或訕笑之。沙瓦不以爲意。因此事與己合宜。容其久坐不動。何暇他求。六月中旬一日之夕。吾往就之。吾猶能記取。自臥一破甑。上旁有積草之味。足以醒酒。吾兩手背交於腦後。足下有一犁耙。吾以之支足。界其中者爲沙瓦所畜之犬。名曰苦康。再前左向十五尺。則爲清溪。面岸微高。

臥處但見蘆葦不見溪水對岸有一小山中有村居卽從前沙瓦之出處也頗  
煙四起茅葍櫛比太陽西匿尙漏一綫青赤之光其上暮雲初起如炭火方熾  
掩以冷灰蔬圃之側爲一森林枝葉搖撼若切切之私語遙望遠村燈光粲然  
不知何處近我可覩者沙瓦結跏趺坐垂頭瞑目若有所思閒豁雙眸以視彼  
苦康蹲處吾已投餌於溪以待游魚之聚集釣鉤方浸於盆水中與沙瓦時爲  
問答黃昏向盡四望黯然萬物皆將寢息有鳥不知其名忽然斷續作一兩聲  
予曰今夕黃鸝何以不鳴沙瓦聞之緩緩轉面溫雅如女子先盼林樹復視草  
地從衣袋中取出菸斗方欲上口又拋置之自弄脣舌學作黃鸝聲酷肖其雌  
意將引起雄者乃隨聲和鳴並非黃鸝音亦柔脆沙瓦笑曰此非黃鸝耶予曰  
此是秧雞吾亦甚愛之唯此鳥時遷其巢汝知秧雞喜在地上行走乎如過河  
海彼始鼓翼高飛在陸專喜步行沙瓦諦聽久之向發聲處嘆曰美哉此小鳥

也。予知彼性喜研究鳴鳥之性格。因舉所聞以告之。此鳥之性格乃詳載一行獵之書上。似多疑輕。去故巢更有他異。欸欸言之。沙瓦目不旁瞬。屏息以聽。頗愜於心。問予曰：天下唯何種鳥不須代飛常住於我處。或常住於他處。予曰：吾以爲吾處。鵲卵。哺雛。卽爲常住。至於遷徙他處。半因天氣嚴寒。移往陽和多處。時易復歸。亦其常也。沙瓦曰：怪哉！天地之生物。區區一飛禽。尙有許多趨避。吾今恍然大悟。感喟無端。卽如今宵。吾如知汝必來。卽不使彼婦人來就我。予曰：汝幸勿以我爲念。如恐我轉生阻礙。我尙可移坐於林間。沙瓦曰：汝真自視太卑。試思此種婦人。如與之並坐談心。除却無聊之情話。又何有玄邃精粹之談。吾於婦女之前。從來不作深言。或諧謔。或諛讓。信口發放而已。予曰：汝所期之婦人。爲達而蘖耶。沙瓦曰：非也。今夜所約。乃吾新懽。亞若姹。彼爲扳闌者之妻。沙瓦語時。漫不經意。予聞之大震。因素知亞若姹頗有姿首。貌美年青。不過十

八。九。歲。去。年。始。嫁。鐵。道。扳。閘。者。嘎。郎。忒。爲。婦。嘎。郎。忒。亦。與。沙。瓦。同。村。膽。大。性。躁。力。大。如。牛。不。然。何。以。勝。扳。閘。之。任。嘎。郎。忒。並。未。遠。出。何。能。容。此。婦。私。奔。因。規。之。曰。汝。本。佳。人。唯。多。私。遇。將。來。恐。有。風。波。沙。瓦。微。笑。曰。此。不。足。慮。聽。其。自。來。凝。思。良。久。復。語。予。曰。前。者。吾。已。峻。拒。並。力。言。其。不。可。彼。婦。意。不。可。轉。彼。婦。心。癡。我。本。處。於。被。動。之。地。步。言。時。浩。歎。若。深。憫。其。愚。予。亦。爲。之。憮。然。天。光。旣。斂。星。斗。生。輝。草。際。昆。蟲。樹。間。鷓。鴒。及。棲。鳥。鳴。聲。歷。歷。可。聽。此。聲。終。不。足。以。破。寂。星。光。明。滅。若。以。目。下。視。人。間。所。有。鳴。聲。又。似。非。鳥。非。蟲。乃。星。辰。對。人。作。語。沙。瓦。忽。向。予。曰。吾。觀。汝。倦。欲。眠。且。進。晚。餐。並。不。待。予。酬。答。卽。入。所。居。之。棚。久。不。修。葺。勢。已。欹。斜。身。入。其。中。全。屋。爲。之。活。動。少。頃。探。出。一。瓶。瓦。德。康。又。一。碗。滿。中。雞。子。鹹。肉。乾。餅。焙。饑。一。杯。爲。一。曲。角。只。可。就。手。中。吸。盡。不。能。平。放。於。地。吾。二。人。乃。各。盡。一。杯。予。自。啖。其。所。携。細。詳。沙。瓦。碗。中。所。有。雖。似。不。潔。然。其。味。必。佳。因。指。而。問。之。曰。汝。寄。此。



如無足之人。此等佳品。從何處得來。沙瓦曰。此皆婦女等爲我送來。予問以饋食。何意。沙瓦曰。無非憐我貧乏耳。予因之領會。此君仰給於婦人者。不獨飲食。卽衣服亦施予之。予曾見其項下繫一紅色絲緡。下綴一銅十字架。問以何來。彼不肯說。遂未深究。由此觀之。必爲婦女所喜捨。彼本貧無立錫。女子好行其德。所謂慈善之事業也。予兩人枯坐。苦康忽以鼻作呼聲。若將狂吠。予爲之傾耳。聞溪中有涉者。就深就淺。聽之如見。沙瓦曰。汝聞有人過溪乎。苦康忽吠一聲。沙瓦止之曰。勿聲。再一傾耳。履聲細碎。由遠而近。依稀可辨。亞若蛇之倩影也。狀似甚怖。嬌喘未平。或涉水時。受驚耶。絕非憚遠也。秋波一瞬。見我亦在側。意頗徘徊。進退若不自主。沙瓦方納乾餅於口。夷然對之曰。唯汝來耶。亞若蛇顫聲答之曰。是儂是儂。走近予前。手中持有一筐。避予而言曰。達而藥煩我代表。囑以此物交納於君。沙瓦笑曰。是達而藥所贈耶。何必設此隱謎。汝且就坐。

亞若姹因我在旁坐時頗形瑟縮沙瓦曰今夕何夕大可忘形已進食乎我進汝一杯汝其毋辭亞若姹曰君又相纏吾豈好飲者沙瓦曰飲之酒能煖人之心語時卽滿傾一曲角授之亞若姹以手接之緩緩沾入櫻脣略有不能下咽之意沙瓦啟其筐曰汝挈此多物來每來必有所攜今又爲此吾且視之筐中乃是番薯因又向予曰渠等生活之程度甚高但就此的波卡村而論此時猶藏有隔冬之番薯可以專美矣予黑中不能細辨但按亞若姹面部肩部之位置知其目不轉睛正傾注於沙瓦之面予念此婦遠來吾當迴避以免其怨詈乃予方起立欲行方聞黃鸝一雌一雄各鳴一聲高低相和如歌者之試歌喉一聲之後賡續和鳴如珠穿之不斷沙瓦至此始一躍而起曰此卽昨夜曾來者汝且俟之予乃阻之曰坐有玉人正可暢敘何必惡作劇捉彼小耦沙瓦以手作勢曰勿喧已入林矣此君極善獵禽能以空手捕捉又善釣魚非豪興時

不常爲之。有此絕技。不肯輕試。謂遊戲所以陶情。不應用力太過。以一。大鈞能釣小魚數尾。不知所操何術。此時空手而往。必將攬黃鸝而返也。匆匆徑去。所留唯亞若蛇。及予兩人。亞若蛇微嗽一聲。以纖手自抹其額。大約爲酒氣上攻也。予念默然相峙。未免太窘。乃曰。亞若蛇。汝近頗順適矣。亞若蛇曰。感謝相勞。先生是長者。千萬勿對人言。予曰。自不當言。唯汝真大膽。嘎郎。忒。一旦知之。奈何。亞若蛇曰。彼鳥能知之。予問以故。曰。彼歸吾已先歸。此時正在鐵道上。祇候郵車開行。彼乃事畢歸家。吾於此見郵車過時。急行而返。故永遠不能發覺。語時。又以手抹額。顰蹙無言。目注於沙瓦。所往處黃鸝聲中。忽一鳥貼地驚飛。見有人影。又高翔過溪去。黃鸝之聲忽止。以爲沙瓦得手矣。遲遲不至。亞若蛇似欲去矣。前行數武。忽又縮住。怨聲問予曰。伊果何往。開車例不待天明。我欲行矣。予因代呼沙瓦者數聲。沙瓦付之不答。亞若蛇益覺焦躁。恨曰。此時吾不得。

不行。吾知是時郵車已開不及十分鐘。雷轟電掣遠遠欲來。亞若蛇玉手相搓。又問予曰。彼究何往。吾急欲歸。正於此際。火車近村之東面。鐵輪轉動聲。汽管出納聲。再下則聞汽笛一鳴。知抵鬧橋之下。亞若蛇對予曰。不論如何。再俟一分鐘。乃一分鐘後。沙瓦口作短歌。赤足踏行草上。緩步而來。笑對予曰。今日運氣不佳。悄立樹下。已得所寄之枝。乃手甫一伸。彼竟反舌無聲。予乃拱候。不去待其更鳴。此么麼始終結舌矣。如更鳴者。吾舉手一抓。語時作勢欲跌。乃藉勢抱亞若蛇之纖腰。親其面曰。汝何以抑鬱。豈天已大雨耶。吾於此爲世間婦女悲矣。此等懶漢。莫不棄之。而女子獨賞識。非常則世之日罷。奔命以瞻其家者。轉不當選耶。沙瓦雖多外遇。並不工於內媚。而村中婦女多樂逐之。則世之香花供養奉若天人者。轉不值一盼耶。沙瓦不名一錢。反拜佳人之賜。則世之堆金買笑。破產藏嬌者。轉嫌其以富凌人耶。予眞百思之。而不得其解。予遙立欲。

行猶聞沙瓦曰汝且開懷再飲一杯予循菜畦之上散步閒眺菜花之香樹葉沾露之氣息沁人心脾遠望燈光隱隱欲滅耳中笑聲不止亞若蛇也予以歷時過久欲返茆屋以爲彼婦去已多時乃沙瓦盤生不動口中作歌唯爾我二字可辨再一諦視亞若蛇或以酒醉或以天熱發昏臥地不起雲鬢全墮首枕於沙瓦之股予不覺失驚曰亞若蛇猶未去耶郵車早過扳闌人必已歸家矣沙瓦乃推其首曰良然此時當行亞若蛇倦眼慵開素面向予似從夢中方醒予又告以車久過橋歸已踰越時刻亞若蛇脰已如痺甫起一膝作半跪約一分鐘雖不見其面色狀似心疾竭力搯拄決意欲興忽似有人相撲仍自臥下其膽如天竟發狂笑曰吾寧明日凌晨此時不欲相違予於此只得復避之穿林以至釣磯露滴有聲忽一葦直觸予面如頑童之捉迷藏隱隱有人在吾念夜深或可得魚而釣竿未下此磯爲予白晝所用對岸則的波卡全村在望忽

見。一。小。燈。或。隱。或。見。溪。上。有。一。石。罅。予。呼。爲。天。然。椅。於。是。坐。而。調。息。仰。視。晨。辰。漸。澹。涼。氣。侵。人。風。動。林。柯。似。有。呼。聲。不。甚。明。晰。曰。亞。若。蛇。亞。若。蛇。此。必。嘎。郎。忒。尋。其。婦。也。而。身。後。笑。聲。隱。約。亞。若。蛇。並。未。成。行。愛。此。蕩。子。棚。前。片。地。視。若。天。堂。儻。非。目。覩。此。奇。誰。其。信。之。至。此。睡。魔。乘。吾。之。憊。就。椅。上。已。入。黑。甜。忽。覺。有。人。輕。拍。吾。肩。開。眼。驚。視。沙。瓦。乃。立。吾。側。朝。曦。已。出。蒼。蒼。涼。涼。水。中。樹。影。倒。瀉。分。明。日。光。從。林。隙。中。射。吾。背。上。沙。瓦。曰。坐。釣。乎。不。如。還。宿。予。起。立。呼。吸。朝。爽。卽。問。亞。若。蛇。行。否。沙。瓦。以。手。指。溪。中。曰。汝。觀。此。朝。涉。者。爲。誰。足。底。似。刺。花。鍼。不。肯。挪。動。吾。久。揮。之。使。去。彼。獨。任。意。淹。留。可。知。女。子。陰。柔。之。性。有。時。膽。大。於。螭。蛇。又。有。時。膽。小。於。鼯。鼠。來。此。野。合。受。此。恐。慌。真。不。值。也。亞。若。蛇。涉。水。時。猶。頻。回。其。首。呈。其。笑。靨。沙。瓦。笑。謂。予。曰。汝。試。觀。之。至。此。時。彼。猶。回。眸。含。笑。不。欲。歸。家。渠。夫。嘎。郎。忒。怒。無。可。洩。已。是。一。鐘。有。餘。予。聞。之。心。驚。不。已。沙。瓦。則。言。笑。自。若。嘎。郎。忒。則。屹。立。道。

上怒望其妻。易地以思爲之。夫者相見。當作何語。亞若姹。此時之步法。爲予生平未睹之奇。若進若退。若左若右。似欲倩人扶持之。推挽之乎。已去。嘎郎忒立處。不遠。忽似盤旋作舞。就勢坐地。面仍朝陽。予見其面上失色。始知禍在目睫。沙瓦若憐若恨。復向予曰。此可謂貓心喜鼠淚落也。亞若姹。瞑目若思。遽立自植其身。轉面向村。蓮纖足如飛。掠其夫而過。直歸其巢。可知誓死相嘗。已拚以性命面其夫矣。吁。

### 寶星

武備學校一助。教蒲塔考夫。與離敦紹孚。少校比鄰。因值新年。特往申賀。新禧兩人見面。自有許多俗套。蒲塔考夫。忽有求於少校。曰。吾來尙有一要事。向君婉商。叨在近鄰。故敢恃愛。不識君之願否。離敦紹孚。問以何事。忸怩久之。始曰。擬從乞借。聖施覃老士寶星。暨飾外觀。今晚歸家。即可奉還。因今夕須往西毗。

經許赴宴西毗經不過一商賈然素有崇拜寶星之癖人至其家其項下其胸  
前若無寶星爲之點綴西毗經必藐忽之不齒於賓客彼有兩女皆國色也君  
應略耳其豔名其長名安那蓄其次名遮若苟亦有父風視寶星爲男子必須  
之裝飾品故今日不揣冒昧千萬玉成俾我一生光采離敦紹孚因其須之甚  
殷不忍峻拒蒲塔考夫與語時面有愧色目光時向室外深恐竊聽有人離敦  
紹孚略爲諷勸卽出寶星授之下午二鐘乃雇一馬車披以外袍車中寂坐時  
爲之低頭細加賞鑑覺此物名貴非常人生得此視爲異數其實此物之價值  
至多不過五魯布何以人視之而壯觀己視之而得意未幾已抵西毗經家下  
車給以車值外袍微動露出寶星御者見金質粲然目爲之眩蒲塔考夫亦備  
示驕蹇之意轉身輕嗽趾高氣揚入屋過廳脫其外袍寶星乃顯豁呈露一  
餐室長桌尋丈坐列十有五人刀匕有聲談笑間發知已入座久矣西毗經聞



鈴聲一振。離席出迎。曰。蒲塔考夫先生遲遲後至。衆賓甫入坐。尙未進湯。蒲塔考夫植腰挺胸。高視闊步。兩手自撻。方欲行握手禮。目光所射。常態忽更。方寸之中。兔起鶻落。推原其故。因本校同事。方傍美人。遮若芍而坐法蘭西人。春波輪氏也。此春波輪氏朝夕相處。寧不知寶星之有無。主人若相盤詰。我不得不權詞以對。當場說鬼與己之名譽。有傷擬卽私自摘下。乃上端牢扣。一時不易下手。又不能轉身反走。縮退於他處。只得右手掩住。向衆賓深鞠一躬。不復出手相握。所餘一坐。尤足惱人。正與春波輪氏望衡對宇。當面分明。西毗經身。爲主人見嘉賓對席苦思莫明其故。以爲他處流連已經酩酊。湯進於前。若以左手執勺。殊欠大方。對衆換手必致敗露。乃託故推辭。參差其語。曰。諸君垂諒。我已飽餐。午後過我叔氏。強留共飯。拄腹撐腸。故不能相陪。共啖口中。如此云云。而鼻中所嗅。欲滴饑涎。此湯爲嘉魚所製。其香由鼻觀沁入心脾。頗以爲可。

惜既不得食。默禱上帝。早散此筵。再覓酒樓。以錢買醉。然後飽啖。以果空腹。俄而第三肴已至。斜睨同事春波君。亦復神色不定。跼躄不安。美饌在前。亦未染指。彼此相猜。不覺如電之目光。忽然對照。各有鬼胎。又互相低首。再視他人。無不空盤狼籍。咀嚼生津。彼亦當食不食。必已見我寶星。疑詫於中。明日必且質之。校長則吾之體面。何存。忍餓旁觀。由第四肴已至。第五肴衆賓中。忽有長身者起立。其人鼻孔多毛。鼻梁曲如鉤。目似近視。眼皮合黏一縫。以手自搔其髮。曰。吾今提議。合席敬二女史一杯。衆賓皆起立贊成。蒲塔考夫已不安於坐。旁一客忽曰。請蒲塔君以此杯奉安那。薔女史。蒲塔考夫駭極。遞酒必須右手。稍不自檢。寶星上之紅組已漏。面幾失色。急急偷看春波。輪氏正以尖銳之目光注已。乍驚乍喜。由恐怖漸化爲嬉笑。正於此時。主人對之曰。請以瓶授我。春波輪氏手亦在胸次。聞之坦然。離開爲取酒瓶。蒲塔考夫凝神一望。幾欲大笑。失

聲蓋同事亦佩有寶星也。此寶星之式與己不同。名爲聖安尼寶星。不知從何處借來。藉以惑衆。兩人微笑相喻。無言。主人西毗。經忽一仰面。見寶星起敬曰。先生已得寶星耶。蒲塔考夫曰。僥倖得之。又指春波輪氏曰。今日坐中唯吾同校二人。獨有此物。同校中得佩此物者亦唯吾兩人。春波輪氏含笑不語。點頭應之。並以手摩抄之。以娛衆目。席散。蒲塔考夫正與安那。薔玉人閒話。敘說得獎之榮。心無所畏。其樂方生。而飢腸雷鳴。始覺踰時。而愈餓。春波輪氏正在枵腸高論。與主人鋪張事實。見寶星非容易得來。蒲塔考夫聞之。如桶底脫。自懟於中。曰。早知彼有同心雙星相耀。此倡彼和。旣飽且醉。樂何如之。唯兩腹空空。尙爲美中不足云。

### 花匠頭之軼事

一日在花局買花寥寥數人。唯予及一鄰人。一木商而已。花已選擇。給價訖。方

使園丁運之車上。予等三人共坐藏花室外。隨意談論。時當四月。奇葩初吐。好鳥和鳴。宜耳宜目。百花移出。複室迎日生姿。方加灌溉。園主爲密康路。年已半百。興致甚佳。剃面生光。著一半臂。見予三人閒話。忍俊不禁。留心諦聽。頗欲獨抒己見。饋予等以新奇。此人洞達世情。出言有章。別有正解。國人悉以德國人名之。其實伊父爲瑞典人。伊母爲俄羅斯人。伊亦服母國之教。與國人同人。猶以德人目之。伊於吾國及瑞典德意志語言文字。無不精通。如有以新筭述就正者。無不欣然披誦。尅日卒業。有所商量。人品如渾金璞玉。雖有小疵不足爲累。彼喜自稱爲花匠頭。其實治花。唯彼一人。並無其他之花匠。而自表爲首領。與人縱論莊諧雜進。然有一種毅然不可犯之概。不許人間斷發言。不許人任意駁辯。聽者必須屏息致敬。否則戛然中止。予等對彼不敢以淡泊遇之。見其久立欲語。因與之委蛇。伊乃指運花之園丁一少年對吾鄰人曰。汝視此孺子。

乃一匪人上一禮拜爲人告犯有同謀搶劫之事推官以醫官之言折獄謂此子染有心疾竟判無罪釋放歸來汝視此子茁壯如牛體質發達又安有所謂心疾耶吾觀許多罪人應治以大辟者在貴國皆可逍遙法外無非藉口於腦病心病神筋病罪疑惟輕具見寬大之處分不過此等結果轉足以敗壞風俗一般社會可以不講公理可以不講私德變本加厲冤案愈多刑期於無刑積久則不堪設想不懲惡又何以勸善人又何苦爲善士而不爲惡人木商曰先生之言良是赦免太多則效尤者益衆近來殺人越貨時有之先生不信可問之鄉村居戶密康路喟然曰諸君聞我言必謂吾心殘刻喜故入人罪不知貴國能使囹圄一空我亦甚願作奸犯科被逮入官不數日已判明無罪寧不甚佳至於貽患將來我亦不暇過問彼縣官及司法衙門每謂寧可失出不可失入有罪者法廷爲之洗冤皆可以不死或予人以自新之路默化潛移諸君

會。如。是。涉。想。乎。須。知。堂。上。問。官。皆。欲。體。上。帝。好。生。之。德。冤。親。平。等。原。情。定。讞。天。下。本。無。可。棄。之。人。此。等。信。教。之。迷。中。於。人。心。往。往。比。之。佐。證。賊。據。理。論。其。力。量。尤。大。馴。至。人。人。心。中。不。知。受。禍。者。之。冤。苦。但。覺。明。明。活。人。自。我。判。決。何。以。對。上。蒼。是。卽。可。以。成。一。刑。措。之。天。下。耶。予。當。時。亦。表。同。情。極。贊。破。的。之。論。密。康。路。曰。吾。有。兒。時。所。聞。之。軼。事。並。非。新。聞。可。發。一。噓。乃。我。祖。母。所。教。祖。母。爲。瑞。典。人。吾。父。所。自。出。也。從。前。課。孫。實。操。瑞。典。國。語。今。如。以。俄。語。敍。之。口。吻。必。不。能。酷。肖。予。三。人。願。聞。奇。語。堅。請。開。篇。並。請。以。國。語。詮。述。密。康。路。乃。以。菸。葉。納。之。斗。以。火。然。之。以。吸。目。光。仍。注。於。治。事。之。園。丁。久。之。始。曰。有。一。長。者。住。一。城。內。名。爲。桃。木。生。吾。記。醜。不。能。決。定。反。正。有。此。一。人。此。人。執。業。不。甚。高。以。醫。術。售。世。沈。默。寡。言。除。研。究。病。源。開。導。病。人。不。輕。得。其。談。吐。不。以。酒。食。徵。逐。結。納。交。游。邂逅。相。逢。唯。點。頷。而。已。平。居。茹。草。飲。泉。自。奉。極。薄。而。腹。笥。便。便。百。家。諸。子。當。彼。時。代。有。學。問。之。

人如鳳毛麟角不可多得。彼又獨居深念。往古來今。揣摩涵泳。醫病得暇。日夜讀書。人事紛紜。均以爲不值一校。故蘊蓄於中。言不輕發。城內居人。知其惡習。好靜。亦不敢無事。登門共謂。上帝派此使者爲吾等醫治疾苦。直是城中之寶物。大家須愛敬保存之人。旣服其淹。通稱以善知識。又知其心地慈祥。萬倫平等。汎愛博濟。非親非故。自彼視之年相若者。皆其昆弟。年幼穉者。皆其子女。爲人已病。雖犧牲一切。亦願爲之。其後染有肺病。有人招之診疾。並不以病辭。應聲而往。登山涉水。履險如夷。冷熱不知其苦。飢渴不置於心。病愈並不索謝。卽病者不幸而死。隨死者之親屬。哭而送殯。如此好人。百年千里。物色尤難。此城之人。何幸如之。宜乎不論老少。不論賢愚。莫不感激無涯。思得鑄金以祀。不獨城中爲然。及附郭以至四郊。凡有耳者。無不聞其聞譽。爲之悚然起敬。蹤跡所至。無不逢迎。有時遠出。隔夜不歸。牕戶不關。從無竊賊入門之患。附城村落。穿

行。一。山。林。深。箐。密。伏。有。匪。徒。此。老。來。往。經。行。毫。無。恐。怖。一。日。方。從。一。家。診。疾。而。返。途。中。遇。盜。衆。盜。見。而。識。之。脫。帽。示。敬。又。問。以。飢。否。渴。否。擬。奉。以。飲。食。彼。和。顏。却。衆。盜。乃。強。贈。一。袍。爲。之。禦。寒。護。送。以。至。城。下。衆。盜。始。懽。笑。而。去。以。爲。得。當。以。報。善。人。據。吾。祖。母。所。盛。稱。謂。此。城。之。若。貓。若。狗。亦。解。歡。迎。此。老。高。年。碩。德。人。不。忍。欺。人。卽。窮。凶。極。惡。喪。心。病。狂。均。不。能。以。一。指。輕。彈。其。面。一。日。竟。爲。人。殺。死。僵。臥。於。山。澗。之。間。滿。身。血。跡。腦。部。實。有。刀。傷。相。其。面。色。但。有。驚。疑。並。無。畏。怖。滿。城。人。士。走。哭。失。聲。謂。如。此。好。人。萬。不。應。見。戕。於。盜。賊。撫。心。自。問。舉。城。必。無。此。厲。鬼。衆。喙。一。詞。半。感。於。因。果。之。說。信。爲。情。理。之。所。無。縣。官。檢。驗。屍。身。頭。部。刀。傷。致。命。固。無。疑。義。然。按。之。普。通。心。理。殺。此。老。者。必。無。此。忍。人。或。者。无。妄。之。災。夜。深。失。足。跌。傷。頭。腦。並。非。刀。傷。縣。官。不。欲。窮。究。此。獄。權。且。收。屍。掩。埋。存。案。待。緝。當。時。並。無。一。人。爲。此。老。鳴。冤。念。其。慘。遭。毒。手。求。官。中。懸。案。捕。凶。非。衆。人。愬。然。置。之。也。以。爲。



盜賊逞凶自有萬不能越之界綫若此老猶不能免則人心亦太不堪問疇知有一慣賊屢犯屢釋於此案不獨嫌疑且有贓可證此日方以老人之鼻烟壺及銀錢抵償酒債爲人識破細加研究滿口支吾奔至其家搜索一過得一汗衫上有血污更有種痘之刀圭及金鍼藏之牀蓐下此憑一出公憤復伸方欲得而甘心明正刑典又有一種慎重人命之流謂贓證不盡可憑專憑贓證有時冤屈無罪之人拙於言辭遂至誣服其實此賊心中唯在劫財安有此等較量一鞠可伏如辨黑白不待推求雖然如塑之推官見解加人一等摩抄贓物無限猶疑自朝至夕自夕至於夜半慘澹經營其獄乃定推官長躊躇審定呼囚至前手執判詞對之宣布曰情真罪確何待沈吟汝乃擅殺長者當爲里人共棄之今已決定判汝以其下爲死刑二字遲遲尙未出口而手中判詞忽然驚落於地乃俯身拾起冷汗浹背急自咎曰不可不可吾如妄入人以死罪上

帝必且盛怒降罰。非輕吾念。天壤間不應有肯殺長者之人。酌理準情。以良心上之裁判。汝亦可告無罪。於是以判詞付推官。囑以宣告無罪。判官以爲然。旁聽席亦以爲然。懸之象。魏舉城人民亦莫不以爲當然。此殺人之賊。倖逃法網。反恨告訐者。至於入骨。且思中傷之。以洩怨。吾祖母言。身爲官長。能體上帝之心。開脫罪囚。上帝尤爲嘉許。不信。上帝卽明於折獄。按律執行。上帝必不謂然。所以明知釋放者。卽行凶者。均不敢深究。此從迷信中所產出之寬典也。誰曰不宜。密康路說。罷吾鄰人。頗欲爲之糾正。伊乃以手一擺。示以不願與辯。藉故至門側。看園丁汲水。獨立軒渠。若喉中之骨鯁已拔也。

### 不許大聲

有克拉士吞者。報館之普通訪員。編輯者復許其投稿。歸恆以夜。雙眉顰蹙。沈默無懽容。冥心息慮。專注於爲文。有時冥搜窮索。搔頭擰髮。若將自裁。一室如

斗來旋翔步。又若中魔。是日施施外來。精神疲。茶倦極。呼天恨不與閨人同夢。而文債所逼。期於夜分償之。太息咨嗟。若受桎梏。自念賣文爲活。不比閉門著作。可以直抒胸臆。自寫其抑鬱不平。此則啼笑因人。方當愁苦之時。偏欲作興會淋漓。引人喜躍之文。方當心氣和平。身有喜慶。偏欲作痛哭流涕。引人墮淚之文。更有嚴酷之命。凡事均可以心境不暢。容日報命爲辭。若任報館編文之役。兒殤妻病。亦不能輟業。以扶持克拉士。吞此時於文前。作勢或張手以捉影。或奮拳以擊空。無可捉摸。乃入臥室。呼其妻使起。曰。娜。籛。吾欲編文。汝速起爲監臨。勿許貓叫。勿許犬吠。庖人之鼾聲如雷。已足攪我文思。不必復責汝。且至厨下。爲我燔少許牛排。並爲煎苦薺一甌。汝知飲茶能助我文興乎。言罷。復入斗室。脫去上衣。祇留一半臂。脫鞋。易以鞞鞣。細意屏息。謐靜有儀。自擁桌。比案上位置。文房。悉有章法。列有半身相片。皆古今著名之大文豪。稿紙一束。墨水。

壺一事。鋼筆數枝。報紙一二份。折疊爲方幅。上有藍鉛筆畫。作界綫。又新修鉛筆數枝。羅羅清疏。皆其妻親手所整理。以備克拉士吞文機一動。捉筆疾書。大書特書。頃刻千言萬語也。此時仰首沈吟。瞑目習靜。但聞其妻撥火煮水之聲。似未甚醒。猶不免壺蓋墜地。銅勺落水。聲水熟有聲。牛排上鐵篋有聲。又雜折薪掩火種種之聲。忽然全體震驚。因一種烟火氣刺入鼻孔。自語曰。此氣甚惡。胡爲乎來。臨文之時。吾妻太不解事。竟敢以此相黷。天下有聞此焦灼之氣味。而可以屬成妙文者乎。豈有此理。此婦無知。急至廚下。切責之。數語復轉身入坐。少頃。其妻剗襪躡步。但以腳尖著地。手捧茶具及牛排。輕置案上。而退。克拉士吞臥在椅上。引手以拍其頭額。忽又張目凝視。空手翻覆。若擎一物爲美人所贈。把玩不釋。又似失手墮地。飛入虛空。又以手自醒其腦力。似乎不可復得。則兩腳爲之亂蹴。幾欲踏碎地衣。頗類足疾大發。目若啟若閉。正如午睡之狸。

奴思之。思之。鬼神通之。滿醮墨。水搖筆而來。又忽似懸崖勒馬。慎重萬分。如法官判定死刑。筆有千鈞之勢。蓋標題爲全篇之主腦。不可以率爾操觚也。題目既成正可順流。而下一瀉千里。忽聞其子驚呼曰。阿孃吾渴欲飲。其母急止之。曰。勿作大聲。汝父方作高文。汝不知汝父運筆如飛。汝一喧囂。則手必停揮。或至曳白脫節。汝見案上諸相片乎。諸大文豪皆服汝父之文。思神速。皆愧弗如。克拉士吞一一聞之。幸其聲息極微。獎飾恰如己量。縱筆直寫。居然數行。忽又艱澀伏案。凝神同居一老嫗禱告方虔。不覺聲浪之外溢。克拉士吞以爲鬼語。疑曰。此時那得有人私語。其人究爲誰。何循聲求而得之。曰。伏瑪。汝禱告於天。上帝聞之足矣。如此朗誦。吾何以堪。伏瑪遂伏罪曰。先生勿責。吾知先生爲文。必須耳根清淨。適者苦於不知。克拉士吞曰。幸勿煩絮。是時已盡三紙。以目視鐘。喟然歎曰。天耶。世人皆在睡鄉。吾獨何辜。至此不能成睡。還須嘔出心肝。是

時。周。身。懈。骨。軟。作。團。沙。因。又。至。臥。室。呼。其。妻。曰。娜。遂。再。以。茶。來。吾。倦。且。渴。否。則。不。復。能。支。又。努。力。振。作。寫。至。四。鐘。居。然。得。有。四。紙。雖。紙。數。仍。未。滿。足。腹。已。枯。癯。無。血。可。哇。於。是。投。筆。而。起。歸。房。欲。寢。精。神。渙。散。血。不。歸。心。反。致。求。睡。不。得。自。念。爲。文。喪。命。古。有。斯。言。勞。心。勝。於。勞。力。局。外。人。那。得。知。之。不。因。家。累。飢。來。驅。人。誰。恃。此。爲。餬。口。之。計。如。此。深。夜。成。此。佳。文。可。喜。可。怖。使。生。命。卽。於。危。險。何。堪。與。床。頭。人。說。破。游。思。幻。想。引。入。黑。甜。明。日。下。午。二。鐘。假。使。此。君。爲。著。名。之。大。文。豪。新。聞。之。大。主。筆。一。篇。傳。出。萬。衆。爭。傳。其。酣。睡。中。所。夢。維。何。必。更。有。出。人。意。表。者。日。光。旣。昇。其。妻。憐。其。達。旦。無。眠。逢。人。輒。囑。曰。不。許。大。聲。吾。夫。一。夜。構。文。不。知。幾。十。百。紙。今。得。安。睡。萬。不。可。驚。登。其。堂。者。莫。不。垂。諒。知。文。人。睡。中。爲。神。聖。不。可。侵。犯。舉。家。上。下。莫。不。寂。然。卽。其。子。年。甫。三。齡。亦。知。告。戒。輒。曰。不。可。大。聲。不。可。大。聲。

不掩

吾國總監察洵蘇丁變服出查一要政馬車雙套繞避通衢正向一城圍自捏姓名暗刺亂黨之機關因得有秘密報告深坐車中提衣領以藏其面意謂路人皆在雲霧中豈知我鋤滌無形聞風先發彼政黨漫無防備正在進行我如迅雷使彼等不及掩耳我善化裝有神出鬼沒之機事後知情正不知若何喪膽自鳴得意欲一聽輿人之誦略呼御者與語以訪路上之口碑因紆尊下問曰汝須告我亦知洵蘇丁爲何如人乎御者露齒而笑曰汝此問謂吾不知渠乎吾等以御車爲業安得不知洵蘇丁曰汝知之亦不足異何爲失笑御者曰汝試思之本國之人不知洵蘇丁豈非笑談此君彰彰在人耳目知之原不足異洵蘇丁曰知之更妙汝試言其人如何御者曰自是好官能勤其職到此未滿二年著有許多政績洵蘇丁曰所指何項御者曰修理鐵道拔去侯雷考復之餘黨此等匪類操縱於侯雷考復之掌中根深蒂固不料彼有辣手盡去其

萌此君嚴猛清廉雖少至百魯布多至千魯布一概謝絕不肯喪其操持泡穌  
下自幸名譽日增感謝天地御者又曰泡穌丁爲人並無官僚惡習吾儕小民  
因事往謁彼並不以下流視之與之執手且讓以坐平日辦事神速出言必踐  
遇有要務不安步而急奔如乘車出門往往傳呼未已不及駕馬彼已親身自  
來催促以故事無不舉既能耐勞又不愛錢卽此已突過前任前任侯雷考復  
亦是勁敵當街共仰望之面目亦甚嚴肅類音極宏隨便論心聲聞隔屋泡穌  
丁直承其後一番振作或謂其腦力富強手法簡當比前官當勝數倍所以頌  
聲交作不論從何方面尙無怨聲不過美玉微瑕吹毛求疵唯酒癖耳泡穌丁  
聞之心恨外間何以得知因曰汝何知其嗜酒御者曰吾並未見其沾唇漬口  
但人言嘖嘖衆喙一詞雖未聞酗酒誤公加以諱莫如深凡有宴會跳舞涓滴  
不飲說者言之鑿鑿謂彼家居終日如浸於酒甕推枕拭目侍者如不以瓦德



康一杯奉。上則不願下床。下床之後。一杯一杯陸續不斷。自朝至夕。皆在糟邱。更有一奇。不論日飲。幾何神色不改。從前侯雷考復性。亦嗜飲。既醉。不但行人畏避。卽犬亦不敢輕吠。泡穌丁恃有如川之量。如在廳事。不便入內。於公事桌側。置一銅箱。上安銅管。偶一起立。以口狂吸。不知者以爲涼水。其實壁後大甕。瓦德康滿中不竭。源源無窮。坐車遠出。瓦德康藏於皮箱中。不能暫離。泡穌丁駭然汗下。知耳目之不易掩蔽。沈吟而問曰。如是而已乎。御者曰。不獨好飲。此君又好色之徒也。御者言時。非常之得意。以手舉其數曰。共有婦女十人。今有二女與彼同居。一名挪托夕。爲彼主持家政。名分居。臧獲之上。又其一。吾不甚記憶。似名爲柳密拉。爲彼女秘書。權不敵挪托夕。資格最久。莫如娜托夕。大權在握。且似一女主人。外人畏之。勝於泡穌丁之自畏。更有一女。吾不能舉其芳名。但知其香巢在卡查拉街。泡穌丁本好漁色。此中隱秘。一旦披露。不覺面頰

尋其洩露之故。或爲家中之女僕。及傭人所傳出。非求得其人。不足以洩怒。乃問曰。汝何以知之。御者曰。凡此均由市人傳說。並非我親目所覩。汝如欲考察此種傳聞。極爲容易。彼家僕役。與圍牧。或可一問。知之。彼所懼。挪托夕。或隨意談笑。播之於鄰近。屬垣有耳。防口如川。衆目昭昭。如電光之燭。暗室彼終無術以掩之。近者泡穌下。頗尙秘密。自謂手腕靈敏。能於暗探中破諸疑案。不比從前向例行查某處。先期傳知。出行則前呼後擁。左宜右有。皆爲馬隊。蒞彼行轅。或小飲。或小睡。然後辦公。稍有參差。則搓手頓足。設法懲之。發落既畢。馬隊又前後左右以護之。歸今殊不然。遇有事故。卽由彼私第起身。官中執事亦不使知消息。自尋舟車。或水。或陸。如火車。不購上等車票。雜稠人中。以長袍滿裹其身。如羞澀避人之女子。變其音聲。操一種域外方言。慘澹經營。苦心孤詣。不過稍有知覺之人。類能識之。泡穌下方自信無人。勘破忽聞輿人所說。頗形慙。

阻。因。問。彼。出。有。何。標。識。而。人。能。識。之。御。者。曰。此。事。極。易。但。人。不。留。心。耳。從。前。侯。雷。考。復。夜。出。漫。遊。屏。却。隨。從。吾。卽。能。辨。認。之。因。彼。性。躁。喜。以。手。拍。人。肩。其。力。極。猛。由。是。得。其。破。綻。吾。同。業。歷。驗。不。爽。幾。於。人。盡。知。之。至。於。泡。穌。下。之。弱。點。甚。多。但。彼。不。自。知。耳。彼。化。裝。作。一。小。本。經。商。衣。履。皆。樸。陋。之。至。既。自。托。於。儉。約。必。事。事。力。持。其。嗇。乃。食。用。揮。霍。不。自。檢。點。流。露。無。形。卽。投。一。村。落。之。小。店。不。論。寒。暑。冷。熱。必。索。小。雞。水。果。糖。醬。是。以。旅。館。中。人。細。心。考。驗。如。不。論。時。令。須。以。上。之。食品。者。必。爲。泡。穌。下。也。況。又。移。氣。移。體。不。類。商。人。更。有。特。別。之。習。慣。人。所。共。知。彼。多。內。寵。性。愛。薰。香。馥。郁。滿。衣。聞。之。刺。鼻。加。以。臥。榻。之。前。睡。時。必。燃。蠟。燭。三。條。以。備。枕。上。閱。報。此。等。故。態。不。啻。自。呼。其。名。如。何。可。掩。泡。穌。下。覺。語。語。搔。著。癢。處。平。日。雖。有。諍。友。從。未。聞。忠。告。及。此。思。之。如。冷。水。澆。背。御。者。仍。賡。續。言。之。曰。不。獨。嗜。好。累。人。足。以。敗。露。想。其。人。出。言。不。謹。凡。蹤。跡。未。到。之。地。往。往。先。得。密。報。彼。自。蒙。

頭。蓋。面。欲。覓。隱。身。之。法。其。實。所。往。何。處。所。查。何。事。人。盡。知。之。泡。穌。下。尙。未。離。家。門。彼。處。已。安。排。妥。善。如。欲。捕。逮。一。人。其。人。已。遠。颺。無。著。如。欲。搜。查。一。證。其。證。已。銷。滅。無。形。所。以。空。費。川。資。含。糊。了。事。卽。以。今。日。而。論。吾。早。間。見。城。中。差。役。一。人。對。面。而。來。問。以。何。往。彼。謂。泡。穌。下。將。至。往。購。酒。果。以。備。用。如。今。日。果。來。汝。尙。可。謂。彼。信。息。之。不。靈。乎。大。約。泡。穌。下。此。時。方。起。於。牀。或。此。時。已。以。袍。遮。面。方。在。中。途。自。喜。其。智。謂。人。皆。如。瞽。如。聾。不。知。瓦。登。康。酒。沙。下。魚。蘋。婆。果。已。陳。列。几。上。以。待。之。矣。汝。善。思。維。泡。穌。下。買。買。然。來。彼。處。所。舞。之。弊。犯。罪。之。人。尙。有。盤。據。不。去。者。乎。違。法。之。物。尙。有。保。留。以。待。者。乎。泡。穌。下。怒。氣。填。膺。不。欲。畫。蛇。添。足。謂。御。者。曰。迴。車。御。者。尙。不。知。自。悔。失。言。亦。不。知。其。人。何。所。忌。避。但。聽。命。返。駕。仍。尋。來。時。之。路。而。已。



A541 212 0022 6418B

# 庚子使館被圍記

陳詒先 陳冷 譯

全一冊 大角七 小角三

是書記者。爲英國樸笛南姆威爾氏。乃庚子拳變使館被圍中之一人。論當時各公使之儒怯嫉妬。拳匪焚殺之慘酷。滿清親貴被圍中之生活。德使之遇害。各外兵之分據宮庭。搶掠珍寶。以及被圍中外人之種種趣聞艷事。描摹盡致。

中華書局發行

